

王清穆『農隱廬日記』(9)

王清穆研究会編注

解説

本号では「乙丑九月至十二月」(1925年10月18日～1926年1月23日)・「丙寅正月至四月」(2月13日～6月9日)の部分に掲載する。乙丑十二月初十日で中断され、それ以降は空白となっており、冊子を改めた丙寅正月初一日から再開されている。

王清穆は前月に訪れた大同で雲崗石窟を見物した後(九月初二日)、包頭で王瑚(鉄珊)の紹介を経て馮玉祥(煥章)に面会し、軍事情勢や水利について話しをしている(九月初五日)。その後は黄河を視察してから(九月初六日)、北京に戻って明十三陵や頤和園を見物している(九月初八・十二日)。また、清末の官僚時代の同僚や知人と旧交を温めている(九月十四日・十一月二十九日)。北京滞在中には、写真館で記念撮影をしたり(十月初六・初七日)、金天翮(松岑)に『新元史』の購入を頼まれたり(十月十二日)といった記述がやや興味深い。鈕永健(惕生)から馮玉祥の評判を聞いたり(十月十三日)、『梁巨川先生遺筆』を読んで民国の現状を嘆いたりといった記述も見える(十一月二十二日)。

王清穆は水利事業への雇用によって江浙戦争の被害者救済を行うことを提案しており、それについて段祺瑞の執政府に赴いて請願したり(九月二十日)、外交部の関係者に対し義和団賠償金を水利に転用することを提案したり(九月十五・二十九日)、関税とともに追加徴収した復興資金を水利経費に用いることを趙椿年(劍秋)らと検討したり(十月十四日)、江蘇省長陳劍虹(陶遺)に書簡を送ったりしており(十一月初七日)、江蘇兵災各県善後聯合会からの要請にも応じている(十一月十五・十六・

十八日)。その後も、この件に関して陳劍虹の下に人を派遣したり(十二月初五日)、許世英(俊人)國務總理と面会して請願したりした後(十二月初九日)、王は北京を離れた。

南京に戻った王は、陳劍虹や孫伝芳(馨遠)に面会し、この件について交渉したが回答は否定的なものだったため(正月初十・十二・十三日、四月二十八日)、在京の同郷人に協力を募ったり(正月二十三日)、政府に請願する電文を作成したりしている(二月初六日)。また、河船に通行税をかける案(四月二十日)などにも言及している。

この時期には崇明県の堡市保坍事業も開始されており、王は理事長への就任は断ったものの(九月二十一日)、理事会で事業の進行方法や資金調達法について検討し(三月初一日)、省長に王紹曾(溯沂)の派遣を願ったり(三月十七・二十一日)、定期的に理事会を開いたり(四月初二・初四日)といった記述が見える。

以上の他では、漢方薬の処方に関するメモ(三月初三日)、『崇明県志』の校正(三月十一・十二・二十二日)、太湖水利の方法をめぐる胡雨人との対立(三月二十九日)、五・三〇事件一周年で行われた上海のストライキへの言及(四月十九日)などが目についた。(小野寺史郎)

凡例

- ・原史料では正字と略字が混在しているが、活字化に当たり原則として常用漢字に統一した。
- ・句読点は全て活字化に際して付したもので、原史料には存在しない。書名の『』、文章名の「」も同じ。ただ()記号は原史料の文中にもともと存在するので、そのまま写した。
- ・原史料にある訂正、加筆、割注、欄外の注記などは【】で示した。
- ・原史料にある削除跡は＝で示した。
- ・前号までの掲載分に既出の項目に関しては、注記を省略した。

農隱廬日記 乙丑九月至十二月

【乙丑】九月初一日乙亥晴大風 五十六至五十九度

今日，本擬游雲岡石仏寺，因大風揚沙，不果。

九月初二日丙子晴 五十四至五十七度

辰正三刻，乘轎，出西門，涵【青】与毓鈞姪同行。午初三刻，抵石仏寺。仏皆在石窟中，大者高七十餘尺，小至徑尺。北魏拓跋氏命工鑿鑿而成，窟外架以飛閣四層，余緣梯而上，達最高處甫當大仏眉際。光緒中，曾修整數窟。今略有剝落，其未修而殘毀者亦不少。朱竹垞先生有「雲岡石仏記」，見『大同県志』。未初，喫麵飯。未正一刻，離山，行一点三十分，始達平地。酉初一刻，抵車站，下榻劉君子剛處，杏芳樓主人也，与毓鈞姪友善。

九月初三日丁丑晴 五十五至六十二度

卯初，起身。卯正，涵青來送。辰正一刻，上車，晤司徒季実，卓資山工程師也。未初，抵卓資山，下榻毓鈞姪處。

九月初四日戊寅晴 五十一至六十三度

未初，上車。毓鈞姪隨行。戊正二刻，抵包頭。周稚棠來照料，邀至京綏鐵路工程處下榻。稚棠，前廿年曾任蘇路工程師，近在此規画包寧鐵路。

九月初五日己卯晴 五十五至五十九度

巳刻，進城。訪王鉄珊同年於包寧鐵路公所，留午膳。未正，返工程處。鉄老為余作函致馮煥帥¹⁾介紹，往晤。申正，馮派汽車來迎，抵其辦公處，即新建之營房，皆以土坯為牆，規制極簡樸，三百間如一式，将与兵能同甘苦，实行平等主義。詢以東南軍事情形，拋云奉軍已退至徐州，統有五省加入反对張作霖，渠頗不以内争為然，曾發電勸双方和平，有效与否，不可知。酉刻，留晚膳，用西式分食法，全是中菜与蒸麵，小米粥，不用刀叉。此可謂飲食能改良者。罷席，又譚西北墾務。余告以溝洫之法，優於河渠，應請注意。並送印刷品數種，旋即辭出，仍乘汽車而返。

九月初六日庚辰晴 五十四至五十七度

巳初，詣南海子視察黃河。南海子者，本黃河以南之積水潭也。自河套改流，而南海子乃在黃河北岸，且為黃河淤沙填塞，已成平陸。如用吾鄉圍田旧法，築圩開溝種植秈稻，皆上腴之地也。復至禹王廟，關帝廟瞻仰。折回工程處，已午正二刻矣。写俞涵青，彭子嘉訊。

九月初七日辛巳晴 五十四至七十三度

卯刻，起身。辰初，上車。過鐙口站，望見黃河形勢，上淤寬處，淤沙壅積正溜，直趨鐙口。北岸成坐湾之勢，南岸生一尖灘，故湾內益見坍塌。余意，防止之法宜在尖灘內開挖寬廣三四百尺之引河一道，更於北岸坐湾之西，正对尖灘，築一挑水壩，則河流逼歸引河正道，而坐湾處既免冲塌，不數年即淤漲成陸矣。未刻，抵綏遠，換乘臥車。下午十時，過大同。

九月初八日壬午晴 車上有熱氣管，故寒暑表升至七十三度，京師寒六十度

辰初，抵南口，下車。僱山轎，往明陵游覽。毓鈞姪騎馬同行。從石牌坊至宝城，有數里之遙。甬道与橋梁，均為山水冲毀。長陵居主山之麓，其餘諸陵亦皆歷歷在目。東北西三面，山嶺環繞，氣勢雄厚。余謂，此地造林最相宜，並設農林學校，將古蹟次第修整，地勢低窪處，可於四周築隄，引山水注之成湖，来源去委，分建數閘，以便蓄洩，是絕好一大公園也。未刻，折回路經思陵，規模較小，旁有司礼太監王承恩墓。皆清世祖²⁾勅建者。申正，返南口候車。鈞姪送余上車，即告辭，回卓資山。戌正三刻，抵西直門。因檢取行李，遲久。至学院胡同，已十時矣。

九月初九日癸未晴 六十至六十三度

內子自張宅來，言胃病，現請東洋醫生診治，由叔美介紹，並陪同前往，以問答須通訊也。申刻，出門拜客，晤全国水利局總裁袁君文欽³⁾，錢塘人。

九月初十日甲申晴 五十八至六十二度

巳刻，拜客，訪劍秋同年，未值。午刻，赴東筮，善先擬英西餐之約。未正，詣中央公園閱報紙。申刻，至東城拜客，晤周季高。訪伯唐，未值。詣叔美寓中少憩。戌刻，赴季高与解斐卿東興樓之約。亥初，散。

九月十一日乙酉晴 五十九至六十三度

巳正，恪成來，談兩刻而去。午刻，拜客，晤龐敦敏。旋赴鏡平西車站食堂之約。申刻，過【琉】璃廠書肆，無所得。訪許弼丞同年，未值。即返寓。寫鉄珊同年訊。

九月十二日丙戌霧晴 五十九至六十三度

巳初，出城，游頤和園，得鄉人劉慰先之引導。未購門票，由長廊至排雲殿，登仏香閣。旋在聽鸚館休憩。用西餐，味辛為東道主。未正，坐船游龍王廟。又繞過後湖登岸，從山麓迤遞出園門而歸。同行者為張叔美，并其子新官，內子，及叔美之眷屬，外孫婿王馥清與外孫女。戌刻，赴同鄉朱貫微，徐燕庭等十五人忠信堂之約。亥初，散。

九月十三日丁亥晴 五十九至六十二度

巳刻，拜客，晤冒鶴亭⁴⁾。午刻，才甫送酒席，約燕庭，範九等同鄉七八人同餐。未刻，散。酉刻，赴袁文欽之約，在座祇劍秋同年為熟人。戌正，又赴許弼丞同年之約，在座皆蘇太同人。亥正，散。

九月十四日戊子晴 五十七至六十一度

東北城拜客，均未值。午刻，赴叔遷擲英西餐之約。申初，過琉璃廠書肆，購得張石州『蒙古游牧記』四冊⁵⁾，蔡九霞『廣輿記』十六冊⁶⁾，吳坤修刻，無撰人名氏之『秦邊紀略』兩冊。又拜西城客，均未值。酉刻，赴張叔美，龐敦敏之約，在敦敏寓中，同席有沈叔均，三十年前因稚桐親家館於其家而識之。今為內子金夫人之表母舅，則為姻丈矣。陳夢陶⁷⁾為三十年前經理衙門前輩，不相見者亦近二十年。從容態度，猶曩昔也。戌正二刻，散。

【陽歷十一月一日】九月十五日己丑陰 五十六至五十九度

巳刻，訪熊秉三，談溝洫救荒事。午正，赴秦杏衢，廖綬青之約，在華嘉寺綬青寓中。未正，散。詣江蘇會館，應崇明同鄉歡迎會。申初二刻，攝影而散。酉初，沈硯齋⁸⁾來，談請撥庚賠建閘防災事，埃顏駿人到英使任，可以商酌云。

九月十六日庚寅晴 五十六至六十度

巳刻，拜客，晤沈宗漢。午正，赴顏駿人團城之約。同席有莊思老，趙劍秋同年，周贊堯，李靜涵，秦晉華諸君。飯罷，瞻仰承光殿玉仏，趺坐高大逾常人頭面，右手右足皆露，潔白光瑩，真希世之珍也。未正，詣弓弦胡同張宅，詢內子胃病服藥頗效。

九月十七日辛卯晴風 五十六至五十九度

王幹丞來，談兩刻。午正，赴王恪成，蔡治民⁹⁾擷英菜飯之約。未正，過琉璃廠，購得『朔方備乘圖說』一冊¹⁰⁾，值一元六角，胡文忠刊『水經注圖及增錄』一冊¹¹⁾，值五元。舊書奇昂，不能多購。又『慈祥叢刊』一冊內有白眉初「水利論」，亦平實亦通達，有用才也。

九月十八日壬辰晴 五十四至五十八度

午後，東城拜客，均未值。適行經貢院前後，見已斥為平地，不如南京猶留明遠樓，至公堂等數處遺蹟也。不勝滄桑之感。旋詣城根，登觀象台展覽，銅製各種儀器，精細絕倫。庚子為德人取去，各國咸非議之，由我國駐德公使與德政府交涉，復自柏林運回中國，裝置原處云【民國十年二月，德人退還天文儀器。蓋戰後凡爾塞所結和約第一百三十一條，即為此事】。西正，赴君猷之約。戌正，散。

九月十九日癸巳晴 五十三至五十七度

巳初，赴香山慈幼院農品展覽會。院中有男學校，女學校，陶工廠，鐵工廠，養蜂場，幼稚園，農工銀行等處。午刻，熊秉三約至及清別墅西餐。飯罷，至甘露旅館略坐。旋乘山轎遍遊各處。申正，詣碧雲寺，規模宏敞，上層建築石工所鑄仏像，勝於大同石仏寺。此為堅質，彼為鬆質也。酉正，進城。戌初，赴米市胡同，莊思老，【趙】劍秋同年之約。亥初，散。

九月二十日甲午晴 五十四至五十六度

巳刻，詣執政府請謁，適有外賓約晤未見，命秘書長梁鴻志¹²⁾招待。余託遞溝洫救荒說帖，並略談規畫方法，即辭出。未刻，赴北海靜心齋沈硯齋之約。申刻，至叔美處小憩。酉刻，晤李靜涵。戌刻，赴彤士之約。亥初，散。

九月二十一日乙未晴 五十三至五十九度

託味辛購得白眉初著『民国地誌』一部計兩冊¹³⁾，又『中華民國省区全誌』一部¹⁴⁾。先取到三冊。陸芝田，沈心成先後來。写仲少梅¹⁵⁾，施丹甫訊。堡市保甲會推余為理事長。理事忝負會中責任，顧名思義，斷無遙領之理。且開會推選均未接洽，亦未派代表，礙難認可。作書却之。

【立冬】九月二十二日丙申晴 五十三至五十八度

醉石，仲虎，晉華先後來。午後，偕味辛詣文華殿觀陳列字畫。宋元明人手筆頗多。宋代縑糸畫亦佳。酉刻，至北海碧照樓啜茗。戌刻，赴亮伯之約。亥初，散。

九月二十三日丁酉晴 五十三至五十七度

巳刻，拜客，至鏡平處。近年搜羅書籍甚多。見架上有『讀史方輿紀要』『天下郡國利病書』。借數冊紀漢甘河套者，携來閱之。書為成都龍万育所刊，譌字甚多。

九月二十四日戊戌小雨陰晚晴 五十五六度

写仲仁，松岑訊。昨借鏡平兩種書還之，另借『劉屏山先生集』。屏山朱子師也。『宋史』有傳。

九月二十五日己亥霧雨 五十三四度

訪胡君黻，略談。又訪東笙，遇諸塗，遂約來。適李靜涵亦來，共談兩刻而去。閱『劉屏山先生集』。戌刻，味辛邀往秦豐樓晚餐。同席有白眉初¹⁶⁾，蔡治民，王恪成，張叔美，胡君黻，廖綬青，陸芝田諸君。亥初，散。

九月二十六日庚子晴 五十一至五十五度

写徐錫丞訊，為張帖華說項。錫丞護理江蘇省長，此函寄帖華赴寧面致。又写家書，催寄衣服。

九月二十七日辛丑晴 五十一至五十四度

金壇陳樞公書來，為其先德濟人先生徵題詞，因作詠詞一首，云，江南右族金壇陳，系出太邱通德門。濟叟高義邁等倫，不屑仕進甘隱淪。孔教維

持師道尊，一箇恕字書諸紳。家人生產恥較論，孜孜興學又恤貧。天佑令德錫祉繁，佳話重擷泮水芹。八【十】有三遽婦真，鄉里痛失一善人。音容雖邈懿範存，詩書世沢付兒孫。我作誄詞媿不文，聊誌景仰無虛言。并作唁函寄之。戌刻，赴鞏伯之約。菊花甚佳，另藏一室，高者丈餘，矮者尺許，種類多，他處所未見者。同席有宝瑞臣同年，楊蔭北¹⁷⁾，章仲和¹⁸⁾，單東笙，楊仲莊，陸味辛。亥初，散。

九月二十八日壬寅晴 五十至五十五度

巳刻，訪幹臣，略談而返。閱『屏山先生集』。申刻，詣琉璃書肆，購徐東海刻『顏李學』一部¹⁹⁾，『哲盟寒劑』兩冊，山左王士仁著²⁰⁾。哲里木盟為內蒙古東四旗之一，與奉吉黑三省毗連。全境面積約七十万零九千六百万方里，人口約二百五十万，漢人十居其九云。酉刻，赴孫君夔，君槃，張驥達之約。亥初，散。

九月二十九日癸卯晴 五十至五十五度

巳刻，周贊堯來，言英國退還庚子賠款，有派員來華會商用途消息。旋詣中央公園，由西边走廊，繞至柏樹陰中少坐片刻。至閱書室，閱報。午正，赴白眉初擷英之約。申刻，至叔美處。偕內子同游京兆公園園址，即前之地壇也。前京兆尹薛篤弼子良²¹⁾創作公園墻壁電桿，到處滿書格言，亦有繪畫，而增說明者。又劃空地一區，將五大洲作平面模型。江河，鐵道，山脈，歷歷在目。另置地球儀，張掛輿【圖】，任人參觀於游覽中，寓教育用意至善。傍晚，仍至叔美處。酉刻，赴任君之約。同席皆鄉人。戌正二刻，散。

十月初一日甲辰晴 五十一至五十五度

巳刻，訪莊思老，未值。旋至審計院，晤東笙，即返。申刻，至北海公園，瞻仰萬佛樓，小西天等處，內子同往，得叔美引導，乘舟渡湖，仍繞後門而出。戌刻，赴幹臣之約，同席有鶴亭，劍秋，渭漁，東笙，味辛，季陶諸君。亥初，散。

十月初二日乙巳晴半陰 五十一至五十五度

陽歷十月廿日²²⁾孫馨遠通電列余名，茲備一函答之，云，前月來京，在

趙劍秋同年處得誦號電，當以麾下正值調度行軍之時，尚無從容論治之暇，是以遲未奉復。現奉軍退出蘇境，佗聞麾下已返寧垣，敢進一言，以蕪裁挾。一，破除拋省為地盤之陋習。先從蘇皖浙三省辦起，實行廢督，并廢護軍，鎮守等使。目下三省收束軍隊，仍請麾下主持，其名稱由中央定之，以為劃分軍區之初步。一，簡閱三省軍隊，認真裁汰。假定有五萬精練之軍，分防三省要隘，調遣便利，足當十萬之用，餉項既減，民力可以少紓。一，劃清省政權限。此次麾下過蘇，不輕更易官吏，最為得體。然力避干涉之嫌，仍當負維護之責。三省皆有虧累，而蘇更鉅。必實減軍費，庶財政有整理希望。必嚴令軍人，戒絕鴉片，庶煙禁有廓清希望。他如清查匪類，撫卹災黎，亦有賴於麾下之注意者也。率泐布達，不尽欲言。一埃車路疏通，南旋趨謁，敬請勲安。此函快郵寄寧，託錫丞省長轉去。

十月初三日丙午晴半陰 五十至五十四度

寫子嘉，雲岑訊。申刻，赴琉璃廠購書廿餘種，備送旅京崇邑同鄉者。酉刻，赴馥清福興居之約。戌正，散。

十月初四日丁未晴 四十八至五十四度

昨晚起然煤爐，房中甚暖，寒暑表升至六十二度。余所紀者，為早起未生火前，及晚則置寒暑表於外室，以驗之較為準確耳。午初，晤范靜孫略談。旋至中央公園來今雨軒，應秦晉華，李靜涵之約。未正，詣函書閱覽室看報。申刻，東城拜客。酉正，赴錢菊人之約，近甫移寓鏡平處。戌正，散。

十月初五日戊申晴 四十七至五十三度

午刻，至金鞏伯家，借座請客。沈硯裔，熊秉三，袁文欽，莊思緘，趙劍秋，周贊堯，單東笙均到，并約鞏伯作陪。申刻，散。至叔美處，以茶點見餉。傍晚，歸。

十月初六日己酉晴 四十七至五十三度

午初，至容光照相館。內子同往，合照一片。又各照半身一片。旋至致美齋午膳。未刻，至瑞蚨祥，購大氅一件。又往城南游藝園散步。申刻，送內子至弓弦胡同。戌刻，赴張新吾之約。亥刻，散。周少如以『養蒙便讀』一本見贈。此書為少如所自編，專備國民小學及高等小學修身課本之用。

亦即期望子弟能躬行實踐，所謂蒙以養正也。

十月初七日庚戌晴 四十三至五十度

于子昂²³⁾來，談兩刻。午初，詣擷英西菜館請客。到者十六人。未正二刻，至容豐照相館，鏡平，叔遷，君猷與余合攝一影。為宣統二三年浙江清理財政局同事在京者，今日適四人聚餐，因攝影以留紀念。叔遷所發起也。由今追昔，不禁感慨餘之。

【小雪】十月初八日辛亥晴 四十七至五十三度

午刻，赴燕庭，擷英之約，同座皆鄉人。未刻，至琉璃廠書肆，無所得。申刻，晤屈文六²⁴⁾。告以前函孫馨遠之廢督裁兵，分劃軍區辦法，文六頗以為然，且謂近日屢向段執政提及廢督語，宜聯合數省進言，當可實行云。接家書，寄到糸綿被及衣服套褲等。

十月初九日壬子晴 四十七至五十四度

午刻，至福全館約。鏡平，少農，馥清，雨民，叔蔭小叙。叔蔭與余，不相見者二十年矣。詢其家況，伯周於民國元年客死湖北漢口，遺櫬未歸。仲芄去年亦故，即以叔蔭之子兼祧，今年才六歲也。其弟棠興亦止一子，丁口稀少，分居數處，聞之撫然。未正，詣京兆園書館，閱善本多種。鏡平，馥清同往。酉初，散歸。

十月初十日癸丑晴 四十三至五十一度

巳刻，拜客，晤許卓然²⁵⁾。午正，赴屈文六之約。借座蓑衣胡同沈宅，客為日本人居多。申初，散。訪沙武曾，未值。回寓後，寫陳哲侯訊。

十月十一日甲寅晴 四十二度至五十一度

巳刻，步行至臥佛寺購善書十數種。午刻，赴西車站食堂許卓然之約。莊思老與劍秋同年俱在座，討論江蘇善後事宜。申刻，散。過琉璃廠購『延壽藥言』，亦善書也。

十月十二日乙卯陰微晴大風 四十四至五十三度

朱稚竹，張夔人先後來。寫仲仁，松岑訊。松岑託購『新元史』，廠肆祇

有宣紙印本，價格甚昂。又寫子嘉訊，增致南榮訊。

十月十三日丙辰晴 四十六至五十六度

午後，訪貫微略談。旋至朝陽門內，訪鈕惕生，悉甫從包頭來京。渠【言】馮氏頗好學，每日早起看書兩點鐘，對於西北地方一切設施盡力經營，孜孜不倦，目今軍人中罕有其匹。余告以河套宜注意修防農田，宜注意溝洫水源，宜從高處造蓄水池，無水處宜多開井，鄉村宜關公墓等事。談五刻而別。

十月十四日丁巳晴 三十九至五十一度

午刻，詣泰豐樓，請客兩席。張慰西²⁶⁾，沙武曾，王恪成，許卓然，王伯驪，許弼丞，陸彤士，馮歷甫，錢菊人，孫君夔，張驥遠，張偉人，蔡季陶，王象堃，劉慰先，沈心誠，沈維屏，郭岷瀾均到，并約味辛，助余照料。未正二刻，赴江蘇會館蘇屬兵災籌賑會同人之約。席罷，討論關稅附取災賑款用途。劍秋同年主張辦水利工程，以徒陽運河與劉河為限，徵余同意。余謂，開浚徒陽運河，至少須規復閘壩一座，以防雨季江水倒灌之害，且賑款止十五萬元，兼開劉河，祇能挾最淤淺處施工，必須另行籌款，繼續辦理，乃於水利上得有實益。同人皆以為然。遂決議照辦而散。

十月十五日戊午晴 四十四至五十三度

午刻，赴張慰西宣南春之約。未正，散。出城至楊梅竹斜街善書流通處，選購十數種而歸。寫楊覲侯，張滌珊訊。又寫陸頌虞，瞿季剛訊。

【陽歷十二日一日】十月十六日己未陰微晴大風 三十四至四十五度

午刻，詣同和居，約鈕惕生，莊思老，趙劍老，黃潤書，單束笙小叙。席次談及桑梓善後事宜。惕生謂，際此強霸之世，實無合理之辦法，大局如無進步，吾輩無論如何愛鄉，終無下手處。至近人所持聯省自治，蘇人治蘇等說，在此種時勢，此種人心之下，亦未必利多害少。目前只有先從全局著想，俟有眉目，再談局部之事。討論甚久，相與咨嗟太息而已。申初，散。戌刻，赴沈維屏之約，同座皆鄉人。戌正二刻，散。

十月十七日庚申晴 三十三至四十六度

閱『顏李師承記』。午後，拜客。戌刻，赴銀行公會談荔孫²⁷⁾，羅雁峰²⁸⁾之約。同席有莊思緘，趙劍秋，張慰西，張子佩，解斐青²⁹⁾，張公權³⁰⁾諸君。亥初二刻，散。

十月十八日辛酉晴 四十至五十二度

午刻，詣廣和居，應解斐青，陳彥甫之約。未初二刻，又赴馮歷甫泰豐樓之約。思老與劍秋同年兩處均同席。申刻，散。過琉璃廠購善書，碑帖廿數元，備送旅京同鄉者。戌刻，步至才甫寓中，施蓮士，張子明，施照台，陸銳英，施夏君，陸龍若六人為東道主，設筵見招。亥初，散。張慰西贈『地學雜誌』兩冊，內有河套與治河之關係論文，即慰西所著。

十月十九日壬戌晴 三十七至五十度

鈞姪自卓資山來，余以涵青所領河套地，屬其轉託包頭友人詳細調查。

十月二十日癸亥晴 三十六至五十二度

沙武曾為其太夫人七十壽徵詩文，余屬吳采蓴代撰。送來柏梁體廿八韻，余修改字句，並前後略加移動，約留原稿【十】之六。其詞云，護堂日暖開綺筵，蟠桃果熟歲三千，寶婺光芒曜九天，萊衣逐隊舞翩翩，霞觴介壽雜管弦，霓裳同咏集群仙，上溯名門瓜瓞綿，累世夙以孝友傳，訓迪尤資母教賢，諸子懷遵心拳拳，長君早著祖生鞭，奮身直上青雲顛，為國効忠志力堅，義利之辨識幾先，居官第一不愛錢，聽訟惟宜鰥寡憐，母訓能發政學詮，不媿名論垂史編，慈祥愷悌福祐延，令德自應享大年，新見兩孫雙比肩，天倫之樂樂陶然，螽斯麟趾吉事駢，四代同堂在目前，麻姑碧釀酌甘泉，氤氳喜氣溢棊盤。我媿不若燕許筆如椽，頌晉岡陵成巨篇。

午刻，詣泰豐樓。主人為沙武曾，周鑑澄，費四橋³¹⁾，客兩席。未正，散。酉刻，赴汪仲虎之約。戌正二刻，散。

十月二十一日甲子晴 四十二至五十六度

午刻，赴醉石擷英之約。未正，散。寫張滌珊訊。戌刻，味辛設筵，請宝瑞臣同年及余，並招王幹臣，秦晉華，李靜涵，陸彤士，蔡季陶，于志昂諸君。亥初，散。

【大雪】十月二十二日乙丑晴 三十七至五十二度

未刻，訪費四橋，談兩刻許。旋出城，購藥物數種。又至球芝巷鄉館，答候瞿肇生。歸，已薄暮矣。写彭子嘉，金松岑訊。

十月二十三日丙寅晴半陰 三十七至五十二度

束筮，潤書先後來。未刻，偕內子出城購物。薄暮，歸。写家書，命兒孫等預備冬至祭祀。又写陸鑑淵訊。

十月二十四日丁卯晴 三十八至五十四度

徐燕庭与曲阜孔氏締姻，蓋為女公子相攸。今日文定吉期，設筵見招。午刻，往賀。未正，席罷而散。

十月二十五日戊辰晴 四十至五十六度

巳刻，訪沙武曾，未值。余祝沙母壽詩，請蔡季陶書，就携往親致之。蓋武曾欲南旋，以近日京津車不通，故滯留耳。酉正，赴泰豐樓許修直，于志昂，張夔人三主人之約。亥初，散歸。

十月二十六日己巳晴 三十七至五十二度

巖友潮子石逸行十一，旧歷仲冬月初八日授室，賀以聯，云，盛族慶繁丁，英年競尚凌雲志。良晨逢建丑【子】，佳偶歡迎咏雪才。沈劍白【恩祉】來，松江人。写陸頌虞訊。写蘇財政庁李耆卿庁長復訊。

十月二十七日庚午晴 【三十】 五至五十二度

巳刻，渭漁來，自兼署交通【次長】後甚忙。未刻，晤鏡平。又赴東北拜客，答候沈劍白，未值。白眉初贈余『地理哲学』一冊³²⁾，係二年前所出版，余前見『慈祥叢刊』所載「水利論」，即從此書中摘出一段耳。

十月二十八日辛未晴 三十七至五十四度

巳刻，詣潘家河沿，答候吳詒孫，談兩刻而返。写家書。写彭子嘉訊。閱『地理哲学』。

十月二十九日壬申陰半晴 三十八至五十四度

閱『地理哲學』，論先富後教，語極中肯，略云，吾人展開地圀，物產豐盈之地，人口必多，文化易興。物產凋敝之地，人口尠少，文化錮蔽。豈民性之不良歟。質與氣之不充，視與聽之不完也。孟子曰，此唯救死而恐不贍，奚暇治禮義哉³³⁾。孔子曰，富之，又何加焉，曰教之³⁴⁾。夫教之必出於富之者，奇妙之性靈，出之於充實之體質也。體質奚充資乎養料，養料奚來資乎物產，物產奚致資乎實業有充分之發育。今之言教育者，莫不欲人盡讀書明理，初不知有最大隔閡障於其前，即為教育先導之物產之不豐饒也。又云，周公封於魯五百年，而孔聖生焉，七十賢人，歌詠其間，其文彩足以焜耀宇宙。越千餘年，而宋江生焉，梁山泊上百零八將，其義俠尚武亦橫絕一世。獨奈何前後反景，若是其甚耶。豈前者民生不艱，詩書敷化海岱沂汶，得伸其靈，後者民食艱難，不事詩書，遂挺而走險，致河嶽無靈歟。甚矣。先富後教，為今後之要圖也。邇來譚國是者，大都主張教育普及，而於國民生計反多漠視。甚且謂，生計之不足，正由教育之不普及，如果教育普及，則國民自有維持【生計】之能力。此說似是而非。與孔聖先富後教之義，顯然背馳。無論民生凋敝，萬無普及教育之法。恐強勉為之，教育未普及，而國民以生計窮蹙，不為餓殍，即為盜賊者，不知凡幾矣。白君是教育界人，而能發為此論，洵有道之君子也。

十月三十日癸酉陰半晴 四十度至五十四度

已刻，訪莫伯恒於宗帽四條胡同沈宅，詢悉從津浦，隴海，京漢繞道而來，頗周折。尚擬往張家口一行云。購『鹽政雜誌』自三十一期至四十二期，共十二冊。

十一月初一日甲戌晴 三十三度至四十八度

閱『鹽政雜誌』。改革鹽政，當從廢除引界入手。無引界，則鹽價自平。任商自由運銷，既便民用，又裕國課，上下皆被其利，所不利者，剝民肥己之引商耳。非鹽政當局絕無私欲者，不能辦此。申刻，汪仲虎來，談兩刻而去。晚，閱『顏李師承記』。

十三【一】月初二日乙亥晴 三十三至四十五度

已刻，訪邵伯炯³⁵⁾，拋云南中局勢未為妥洽，軍人多野心，尠能顧及人民

痛苦。至可慮也。旋至西交民巷中華懋業銀行，取家中匯款三百元。
杜子美³⁶⁾「後出塞詩」云，雲帆轉遼海，稷稻來東吳。可知海運南漕，唐時已有行之者。

十_三【一】月初三日丙子晴半陰 二十七至四十三度

閱『顏李師承記』，習齋³⁷⁾既歸宗，申族約，約孝，約弟，約行冠昏喪祭
_之【諸】禮，約周卹，約勿盜賭奸欺，悉載入家譜。家譜之目曰，姓氏原
流，世系派衍，遷移離合，別嫌明微，莊居宅第，墓塋圖記，祭田樹株，
餽燕儀注，家禮儀注，家法勸戒，人才列傳，嘉言喜行，先人遺【影】，
珍器文籍，簡書誥命，婦女甥壻，捨遺雜誌，凡十七。按，此皆可為世法
者。午刻，至西車站食堂。東道主為解斐青，陳彥夫，周季高，張繼齋四
人。未正，散。

十一月初四日丁丑晴 三十一至四十八度

辰刻，借涓漁汽車赴汪芝麻胡同，吊沈硯裔夫人之喪。蓋今日巳刻發引。
余【昨】晚始聞知也。未刻，訪朱稚竹³⁸⁾，未值。閱『清室外紀』³⁹⁾。此
書為英人濮蘭德所著，於一代盛衰興亡之故，頗能抉其隱微，而敗壞國事
者，唯女子小人為最甚，吁可畏也已。

十一月初五日戊寅晴 三十三至五十度

午刻，赴西車站食堂朱維竹，梅介節，陳匪石⁴⁰⁾三主人之約。未正，散。
戌刻，味辛邀赴開明戲園觀劇，內子與外甥婦及諸孫男女偕往。子正，返。
丑初二刻，就寢。

十一月初六日己卯晴 三十五至五十二度

閱『慈禧外紀』⁴¹⁾，此書亦濮蘭德所著，於近數十年宮廷情形，言之了了。
外人在中國，事事留心攷察，不遺餘力，實能窺見國家病根所在，而我國
士大夫反多茫然，可恥孰甚。申刻，訪陳瀾生⁴²⁾於長安飯店。戌刻，赴
張子佩擷英晚餐之約。亥初，散。

【冬至】十一月初七日庚辰晴 三十四至五十二度。

巳刻，東筮來，談一小時而去。午刻，寫陳陶遺省長訊，告以閩稅附加振

款，我蘇約可分派三十萬元。旅京同鄉議決，半充江北兵災急振，半充江南工振，以疏治徒陽運河與劉河為限。技術人員由太湖局遴委，並就地分組兩委員會襄助之。愚意江北振款可交馮夢老，江南工振可存江蘇銀行，由穆会同尊處撥用，以昭慎重。未刻，偕內子詣中央公園參觀監獄出品陳列所。申正，返。

十一月初八日辛巳晴 三十三至五十二度

巳刻，樾叔蔭來。旗人二三十年以官為業，向無恒產，改革後大都生計艱難。叔蔭言，仲芄故後遺房屋數處，尚可支持云。未刻，至中央公園。檢閱『導江三議』，王柏心著，刻入湖北叢書⁴³⁾中。

十一月初九日壬午晴 三十四至四十八度

巳刻，詣恪成寓，為其太夫人去世。今日接三，特往吊之。旋出城拜客。午刻，至廣和居，約瞿肇生，吳詒孫小叙。二君皆三十年前旧友也。申刻，返，閱『塩政雜誌』，『顏李師承記』。

十一月初十日癸未晴 三十八至五十四度

午刻，赴交通博物館龔仙洲⁴⁴⁾之約，共客三席。申初，散。至中央公園圖書閱覽室，檢閱『今水經』，係清初黃黎洲⁴⁵⁾所著，知不足齋叢書刊本內紀，太湖下游不言三江，但云婁江從劉河入海，吳淞江經松江西南，從黃浦入海。是明清之際，吳淞江本身下游淤阻不通可知。傍晚，拱北來。寫滌珊訊。

十一月十一日甲申晴 三十八至五十四度

寫子嘉，雲岑訊。補購『塩政雜誌』三冊，廿八至三十，計三期。又索贈品，『膠州灣塩業調查錄』一部，『塩政叢刊』一部。見塩政雜誌社廣告，凡購十二期以上者，可得此贈品，故派人取之。戌刻，吳內姪社臣來，云從海道抵津，以鐵路阻斷滯留經旬。明日往大同，應涵青之招。

十一月十二日乙酉晴半陰大風 三十七至五十一度

吳采蕓來，贈余「仿山樵侶鶴圖」一幅，并題七律兩首，已裱好，至可寶貴。采蕓能畫亦能詩，洵吾鄉之傑出者也。社臣赴大同，酉刻，辭去。

十一月十三日丙戌晴 二十五至四十一度

周象峩病故，函託頌虞代送賻銀貳拾元。又寫孫濂外甥訊，以本月廿二日為其母六十九生日，請余撰壽聯。蓋余之從祖女兒也。爰擬一聯，云，長我三歲称古稀，沢分槐蔭。有子百般能孝養，慶集萱堂。申刻，詣許俊人賀喜，未晤。歸途，訪鏡平，亦未值。

十一月十四日丁亥晴 二十五至四十度

寫申子万，王駢齋，彭子嘉訊。申刻，邵伯綱來，談時局前途莫測。晚，寫家訊及陳亞雄，楊觀侯訊。

十一月十五日戊子晴 二十六至四十二度

午初，詣中央公園來今雨軒請客。孫慕韓，屈文六，莫伯恒，陳晏弘，解斐青，費四橋，周鑑澄，于志昂，張夔人，許修直，朱稚竹，梅介節，談丹崖，羅雁峰，陳匪石，張繼齋，張星五，廖綬青，張子佩，張醉石，陸味辛均到。申初，散。至圖書室閱報紙數種而返。接江蘇兵災各縣善後聯合會公函，屬余担任疏浚徒陽運河及劉河工振事宜，即答書允之。

十一月十六日己丑晴 二十六至四十二度

寫潘子義訊，告以旅京同鄉公議蘇省分撥閩稅增加賑款，指辦徒陽運河及劉河撩淺工程，並建築張官渡扼要閘座，應派工程人員趕辦施工測量，估計土方，勘估閘工，以免臨時張皇。未刻，至琉璃廠，購『墨子閑話』⁴⁶⁾一部。

【陽歷一月一日】十一月十七日庚寅晴 三十三至四十八度

單束笙，汪伯驩，仲虎先後來以外，同鄉來者甚多。午刻，赴渭漁春酒之約，兩席，皆同鄉。未正，散。

十一月十八日辛卯晴 三十至四十六度

周善先，陸渭漁先後來。午刻，赴劍秋同年之約。同席有張蔚西，陳彥甫，解斐青，秦晉華，談丹崖，羅雁峰，陸渭漁，張子佩諸君。商酌閩稅增捐江南北分辦工賑，即函達陶遺省長接洽。申正，散。戌刻，味辛具酒肴作新年宴会，兩席，皆邑人。戌正三刻，散。

十一月十九日壬辰晴 二十七至四十三度

巳正，詣故宮博物院外東部瞻仰，從皇極殿至樂壽堂，經過寧壽宮，旁見丹墀剝落，瓦上徧生野木。蓋自高宗禪位後，居此三年而崩，距今一百二十七年，失修已久，皇家屋宇過多，至於不勝修葺。然円明園，頤和園，百年来建築新工，費帑甚鉅，而大内宮殿荒廢，一至於此。胡不念祖宗締造之艱，徒以不適於燕游之用，竟忍而愒置之耶。吁可慨已。未初，至五芳齋喫麵飯，内子同往，味辛挈兩小兒行。

十一月二十日癸巳晴半陰 二十九至四十六度

巳正，訪思緘，束筮，未值。午刻，赴吳詒孫廣和居之約，同席止瞿肇生，三人小叙，略談十数年来乱狀，相与歎歎而已。未刻，訪彤士，伯恒，亦未值。写唐蔚芝，沙武曾訊。

十一月二十一日甲午晴 【三十】五至五十二度

写彭子嘉，龔珏虞訊。施照台之太君仙逝，今日接三。巳刻，往吊之。午初，偕内子詣雍和宮，觀覽一周，門外古銅大獅子一對，院内古銅大香爐一座，鐫刻極精。宮殿供仏象者，共十数処。未刻，至叔美家，留麵飯。申刻，游北海濠濮園，在崇椒啜茗小憩而返。

【小寒】十一月二十二日乙未晴 三十二至五十度

写施礼齋訊。未刻，訪莊思老，告以張仲老函約南歸，說思老以『梁巨川遺筆』⁴⁷⁾一冊見贈。又訪束筮於審計院，談兩刻。写陳陶遺訊，擬約鈕惕生南歸，為省政之助，請速電莊思老勸駕。梁巨川，名濟，廣西桂林人。乙酉拳人。官内閣中書，調民政部候補員外郎，清遜位七年而殉之。清帝予諡貞端。此遺筆皆辛亥以後至戊午十月初七日投湖前所書者，反覆声明不得不死之理由。效忠於清，即為效忠於世界。中華改為民主共和，當時清廷兵力非不能戰，祇以不忍民生塗炭，故不惜犧牲大位，以統治權移轉於民國。原謂此為最良政體，俾全国人民共得乂安也。歷次詔書具在，故武人苟真心求人民乂安者，即所以報清廷也。吾對於清民之間，有最確之判斷，曰，能以真正共和之心治民國，則清朝不虛此和平揖讓之心，不以真正共和之心治民國，則清朝即亡於權奸乱民之手。今民国七載於茲，南北因争戰而大局分崩，民生因負擔而困窮憔悴，民德因倡導而墮落卑汚。

全与遜讓之本心相反，是清朝亡於權奸売国，已無疑義。古今亡国之時，必有臣工赴亡国之難者，廿四史中不乏先例。豈廿五史之末竟無一人。吾故起而代表廿五史中最末一臣，以洗国無人焉之恥，而留天理不絕之機。梁公遺言，讀之令人起敬。其死為殉清固然，而亦由憤世嫉俗之意所激而成也。

十一月二十三日丙申晴 三十五至五十四度

写陸頌虞，俞涵青訊。未刻，偕内子詣天壇無線電局。同鄉沈君引導，瞻仰祈年殿，円丘等処。壇境寬大，除旧林木外，曠地甚多。農商部設林業試驗場於此，實妥政也。

十一月二十四日丁酉晴 三十七至五十六度

已刻，燕庭来。申刻，詣四存学会出版部，購得『史記意』四冊，蠡泉齊樹楷著，『人道』一冊，蠡泉孫松齡著，皆近人也。蠡為李恕谷先生故里，恕谷繼承顏習齋先生之学，以躬行實踐為教。觀齊孫二氏之作，知先正遺澤至今猶存。

十一月二十五日戊戌晴半陰 三十三至五十二度

燕庭来，贈余石印『蘇書金剛經』一冊，『妙法蓮花經』三冊，『講学録』一冊，『育才館臨時講演』一冊，『立達篇』一冊⁴⁸⁾，『橫橋堰水利記』一冊⁴⁹⁾，『西式烹飪實習』一冊。

未刻，詣富晋書社，託写『新元史』書根。晚，写張仲仁訊。又写家書。

十一月二十六日己亥晴 三十三至五十二度

閱齊樹楷『史記意』。卷首先列讀法，標明太史公為道家，篤守黃老之学，其作史實主尊讓，人事日繁，不特權勢所在，人多地位少，不可不讓，即利益所在，容人之競争，久則人多利少，亦以讓為止息爭端之本。孔子刪書斷自唐虞，而稱吳太伯，稱伯夷。太史公即以列於本紀，世家，列伝之首，其識与意，有同揆欵。齊君尚論古人發微鉤隱，固為特識，而立言得體，具有挽回世道之心，其書足重，不徒為讀『史記』之助也。酉刻，赴鏡平東興樓之約。同席有汪伯唐，孫慕韓，宝瑞臣，李柳溪⁵⁰⁾，袁珏生⁵¹⁾諸君。戌正二刻，散。

十一月二十七日庚子陰 三十五至五十三度

午刻，莫伯恒來，言不日將南旋，寧垣尚有勾留云。申刻，至富晉書社，購『懷幽雜俎』一部，計八冊，內分十二種，亦叢書也。晚，寫彭子嘉訊。

十一月二十八日辛丑晴 三十四至五十二度

莊思老六十生辰。未刻，詣江蘇會館祝之。晤莫伯恒，詢其南行之期，則謂臘初二云。旋至海王村公園森寶堂書坊，見『畿輔河道水利叢書』一部⁵²⁾，索價甚昂，欲購未成。

十一月二十九日壬寅晴半陰 三十六至五十九度

聞川中友人述施鶴笙先生寓居天津。先生為余戊子京兆試房師。甲辰，余以攷督商務，至漢口。適先生將赴施南府署任，幸獲謁晤。忽忽已廿餘年。今聞在津，亟思一見。卯初，起身。辰初，詣東車站上車，二等已滿，改坐頭等。未初三刻，抵津，寓國民飯店。申初，至樹德里六十七號，晤鶴雛⁵³⁾世兄，詢悉先生三月間回川，氣體康健，尚能寫小楷。明歲擬東游蘇杭，並言川東年成中稔，地方辦理民團，足自保衛，不至為軍隊所擾云。嚴濟和，邵仰顏先後來。濟和為巫鄒之第三子，在津車站任事。仰顏在交通津行任事。

十二月初一日癸卯晴微陰 室中有汽爐溫度甚高，六十四度

午初，謁黎前總統⁵⁴⁾，談兩刻，留膳。未初三刻，辭謝而出。鶴雛世兄在本店飯片見招，談一時許。前接松岑訊，言『調查河套報告書』，潘星航津寓有之，詢悉不售，如相識者間或贈送。乃派人持片索取一部。

十二月初二日甲辰晴半陰 車上七十度，回寓降至四十二度

乘九時十分車，回京。午正二刻，抵前門東站。回寓，午膳。昨夜以牙痛不成睡，精神疲倦。申正，假寐三刻許。戌刻，應孫慕老之約，同席有趙劍秋，許修直，夏爽夫，錢鏡平諸君。亥初，散。

十二月初三日乙巳晴 三十三至五十二度

午刻，詣汪仲虎祝六旬雙壽，留入筵席。未正，散。酉刻，赴費四橋之約，同座有許俊人⁵⁵⁾，莊思緘，趙劍秋，陸渭漁，于志昂。戌刻，詣張嬰人家，

係戛人与秦晋華，李静涵，于志昂，許修直，馮歷甫，周鑑澄公宴莊思老，寓補祝意，余与趙劍秋作陪。少坐，即赴濟南春金錢孫之約。劍秋亦同席。亥初二刻，散。

十二月初四日丙午晴 三十三至五十二度

未刻，偕內子詣北海公園漪瀾堂前看溜水。華洋男女都有。奔馳若飛者固佳，安閑緩移者亦妙。斯技非練習有素，未許輕嘗試也。申正二刻，返。

十二月初五日丁未陰大風 三十四至四十六度

午前，收拾書箱。未刻，任君來，言從前亡男演彬遺留木器經同鄉移用者，交還銀七十六元。白眉初來。酉初，劍秋同來，言閩稅附捐賑款，蘇省先撥七萬五千元，江南北應各半分用，以後統撥亦然。屬余先与談丹崖言之。酉正，至宣南春請客。金錢孫，談丹崖，羅雁峰，單束笙，陸渭漁，錢鏡平，金任君，蔡季陶，陸味辛，才甫均到。席間与談羅兩君提及賑款分用辦法，允照劍秋之說，余屬束笙轉告劍秋請其函達陶遺省長⁵⁶⁾接洽。戌正三刻，散。

十二月初六日戊申晴大風 三十三至五十一度

巳刻，詣王恪成⁵⁷⁾太夫人幕次行礼。挽以聯，云，世變挽狂瀾，有子能当天下事。魂歸依淨土，斯人痛失女中師。訪渭漁，未值。酉刻，味辛設筵餞別。同席有莊思緘，趙劍秋，汪仲虎，張星五，馮歷甫，徐燕庭，張醉石，金任君，陸才甫。戌正二刻，散。

十二月初七日己酉晴 二十四至四十三度

午刻，赴蔡冶民，張叔美擷英之約。未刻，訪莫伯恒，悉今晚乘京漢車南旋云。汪礼卿，胡君黻先後來送行。酉刻，赴渭漁之約。同席有趙劍秋，張戛人，許修直，于宝軒【志昂】，周季高，張醉石諸君。亥初二刻，散。

【大寒】十二月初八日庚戌晴 二十五至四十三度

汪仲虎，黃潤書⁵⁸⁾先後來。申刻，詣四存学会出版部，購『學樂錄竟山樂錄』一冊⁵⁹⁾，『漢書点勘』三冊⁶⁰⁾，『孔子之社會主義亦名論語大義』一冊⁶¹⁾。

十二月初九日辛亥晴 二十四至四十三度

写彭子嘉，潘子義訊。申刻，王幹臣來，約余同往國務院訪許俊人總理，談及溝洫救荒事。渠允提出閣議定期召集大會并屬余屆時親到。酉初，辭出，赴鏡平之約。未入席，即偕仲虎同赴束笙之約。同席尚有秦晉華，許修直，廖綬青，王幹臣諸君。亥初，散。

十二月初十日壬子晴 二十六至五十八度

卯初，起身。辰初二刻，至東車站。同鄉送行者，有周善先⁶²⁾，單束笙，汪仲虎，張醉石，徐燕庭，蔡季陶，陸渭漁，才甫，味辛，張子明，陸銳英，施夏君，陸龍石，張叔美，胡君勳，錢鏡平【，王象堃，郭岷瀾】，施少農，王馥清【，毓鈞姪】。辰正二刻，開行。鏡平送至津車，過廊坊以下各站多停頓，抵津已申初一刻。寓國民飯店。写張滌珊，張伯陶訊。

農隱廬日記 丙寅正月至四月

【丙寅】正月初一日癸酉晴陰下午雨 四十八至五十三度

晨起，詣 祖先位前行禮。巳正，赴中街路吳氏外姑處請安賀新禧，並詣先外舅位前行禮。旋至西白塔子巷金氏先外舅姑位前行禮。歸途過鶴園，晤龐蘅裳，沈治丞。午正，返寓。

閱『隱貧會旬刊』【十二月二十一日】錄『聶氏旬刊』⁶³⁾致某君書，勸早起，勸勤儉，勸改習氣，勸及早覺悟，改變生活。旧產以保產，皆為富厚之人，家業衰落者，痛下針砭。書中自称杰，當是聶雲台，湘鄉曾文正之外孫也。至理名言，皆有所本。

正月初二日甲戌陰微晴 四十八至五十三度

午初，松岑，子嘉先後來。午正，詣顏家巷龐復庭家。今日為消寒之集，先承李引泉，張仲仁，費仲深，彭子嘉會函，邀余為客。座中熟人尚有吳穎芝，畢勳閣，尤賓秋，沈颺民，周仲芬，吳問潮，金松岑，龐蘅裳，汪鼎丞諸君。未初二刻，入席。申正，散。写汪礼卿，周公駢，莫伯恒，陳嘉生訊。

正月初三日乙亥陰微雪 四十三至四十六度

寫王恪成，汪仲虎訊。房東陳選青五十雙慶，贈以聯，云，三載結賓主歡，時接蘭言欽大雅。百年修伉儷福，新佻柏酒祝長春。午初，答候子嘉。午正，赴沈治丞鶴園之約。同席有羅毅卿，蔡師愚，張仲仁，費仲深，錢強齋，金松岑，龐蘅裳，劉柏生。申正，散。

正月初四日丙子陰 三十八至四十四度

陳飲廉約今日上午自上海來。午刻，余詣蘇州飯店候之，談一時許乃返。下午六時，余備筵宴飲廉，并邀子嘉，勳閣，松岑，駢齋，子修及居停主人陳選青。先是五時許張嗜蓮來，未幾飲廉到。同里相熟，遂亦留作陪客，罷席，又久談。十時，辭去。

正月初五日丁丑陰小雨 四十二至四十八度

江海帆，程星恒先後來。蔚芝寄贈『軍箴』一冊，書分四卷，一法守，二戒律，三孟子格言，四先賢遺範。其總論有云，環顧九州，殺機四伏，以錦繡之江山，成滿日之愁慘，百姓之受苦者，如在九幽地獄之中，無從得見天日。余向所不忍言者，今乃不忍不言，向所不敢言者，今乃不敢不言。爰大声疾呼，以告天下。蔚芝之心苦，奚言者無罪，聞者足戒。此書流行，能為中國弭兵之先聲，即以挽救中國生民之劫運，孰不馨香禱祀以求之。

正月初六日戊寅陰微雨 四十三至四十八度

繪圖員潘繼文來，自陳願赴張官渡履勘旧閘，另擬建築新閘，式樣呈候審核。該員曾習土木工程，遇事留心，亦殊可嘉。交通部寄來滬寧，滬杭甬兩路記名頭等長期乘車証各一張【時間陽歷六月底為止，屆時又須更換】。

【雨水】正月初七日己卯晴 四十三至四十六度

已刻，拜客賀年，晤田紹白同年，勳閣亦在座，略談，返寓，午初三刻矣。鎮江李崇甫寄贈冷秋江先生『江冷閣詩文集』四冊⁶⁴，『張在帆先生詩集』二冊，又葛硯修自南京寄贈『安吳四種』十六冊。

正月初八日庚辰陰微晴 四十三至四十七度

巳刻，到局。旋出門拜客，晤子義，略談。午正，詣怡園蘇州南洋同學會聚餐。孫仲瑜【潤瑾】，龔鎮六【錦焜】，方積甫【祖頤】，陸君毅【承謀】，陳劍剛【觀杓】，徐孟葵【菱】等六人，具東見邀合之，其餘同學共兩席。未正，宴罷，攝影而散。又赴東城拜客，即返寓。

正月初九日辛巳陰微雨 四十五至四十八度

寫單柬笺，張滌珊訊，均快郵發遞。

正月初十日壬午陰 五十至四十四度

卯正，起身。辰正二刻，至車站，見吳方臣，亦赴寧，略談。黃繼南來，同上車，照原定行車鐘點已遲兩刻餘。申初二刻，抵下關。搏九來迓余，即至大方旅社，寓後園三十三號。酉刻，訪陳陶遺省長，曾孟璞政務庁長。戌初，辭出，赴致美齋晚餐。戌正，返寓。張滌珊，鄒駕白先後來。

正月十一日癸未陰半晴 四十至四十六度

巳刻，出門拜客，晤徐蘭墅，徐錫丞，餘未值。午刻，李耆卿，吳子瑜先後來。未刻，拜客，晤葛硯修。余以『陸子全書』一部，『陸文慎公年譜』一冊贈之。旋詣狀元境書鋪，購得『水道提綱』一部，『南山集』一部，索價十二元，許給五元允焉。酉刻，赴蘭墅金陵春之約。亥初，散。

正月十二日甲申晴 三十九至四十七度

巳刻，訪羅毅卿，鈔得華洋合組發放閩州賑款委員名單一紙。旋訪魏梅蓀，華洋委員會分【副】會長也。午刻，赴李耆卿之約。未正初刻，散。申初，詣孫馨帥，先由張副官陪兩刻許，與馨帥談兩刻，辭出。訪交涉員謝晉卿，拋稱華洋委員都不知江南工賑事。余告以旅京同鄉公議辦法，乃始恍然。晉卿又謂，此事須與成翊清接洽，緣成為防災會代表，專顧江北賑務，亦恐未悉旅京同鄉分賑江南北之主張也。訪成君，今日上午赴滬矣。訪滌珊略談，即返寓。

正月十三日乙酉陰夜雨 四十至四十八度

巳刻，羅毅卿來，云，徒陽浚河工程，以冬月為宜，二月後春水漲，難於

築壩。其言甚是。午初，訪教育庁長胡春藻⁶⁵⁾，財政庁秘書楊小荔，即返寓。申刻，晤陶遺省長談一時許，辭出。酉正二刻，赴孫馨帥之約，同席有蕪湖道尹史文甫，淮揚道尹盧紹劉，貴州代表二人，安徽趙少霆，總司令部蔣鳴岐，万仞千，談讌甚歡。戌正，散。

正月十四日丙戌陰 四十四至五十八度【車中熱度較高】

卯初，起身。卯正四十分，借盧紹劉汽車赴下関車站，遇總司令部副官長張佩西【世銘】，副官高叔安【廷耀】照料上車。午初，至常州，晤馮曉青，惲禹九⁶⁶⁾，伍琢初，均謂徒陽運河疏浚工程，今春趕辦不及，且賑款為數太少，不敷分撥。亟宜另籌接濟，且待本年冬令施工自較妥貼。曉青在貧兒院留麵飯。未正，告別。乘下午快車返蘇。接蔚芝訊，言劉河工程，亦以緩至今冬為言宜。

正月十五日丁亥晴半陰 四十三至四十八度

蕭星槎為其尊人秀江先生索題小照，為書五絕一首，云，黎川蕭氏翁，佺真神此畫工，永享林泉樂，翰直然處士風。寫張滌珊訊。

正月十六日戊子陰小雨 四十三至四十七度

日前在寧會請孫氏兵工浚後湖，茲復寄以書，云，江寧城北之後湖，亦名玄武湖。湖中有五洲，皆古人浚湖出土所堆積而成者。洲之面積占地已廣，此後湖中所出之土，宜就湖外另覓用途。按，下関本屬低窪，寧滬鐵路，寧省鐵路，軌道左右水塘甚多。莫如取後湖所出之土，移填下関一帶水塘。先令寧滬鐵路局，在神策門外敷設支路，則運土極為便利。所有下関地畝，屬於寧滬鐵路者若干，屬於寧省鐵路者若干，屬於官產民產者各若干，一一調查明晰。是處應否酌留溝渠，或備地下安設水管，亦須預為籌。及變水窟為平原，復榛莽為名勝，胥在麾下指顧問耳。應請会同省長飭查後湖全圖，並調取寧滬鐵路，寧省鐵路車站貨棧各圖，下関商埠圖彙集以資討論。將後湖出泥，下関填土兩種辦法，酌具草案，徵取江寧地方公會之同意，然後選派兵工，剋期興作。不數月間，後湖，下関，煥然改觀，行見白下謳歌徧傳遐邇。豈不懿欤。

【陽歷三月一日】正月十七日己丑陰微晴 四十六至五十二度

巳刻，到局。午初，訪仲仁，出示「進修學約」，蓋江寧仇涑之所擬，將徵求同志力行進德修業之學，以為挽救世道人心之計，用意甚善。此間即由仲仁集合同志，先為一組云。午正，返寓。寫張星五，陸渭漁訊。

正月十八日庚寅晴半陰 五十至五十五度

巳刻，到局。午正，返寓。寫唐蔚芝訊，附寄「進修學約」稿。戌刻，赴張仲仁處。消寒會仲老與汪鼎臣為主人，分坐兩席。亥正二刻，散。

正月十九日辛卯陰小雨 五十一至五十三度

巳刻，賀趙藁裳世兄喜事。旋到局。午刻，賀汪貫一喜事，赴陸幹卿之約。同席有吳穎芝，張仲仁，蔣季和，孔康侯，潘經士諸君。園中梅花已開，談讌甚暢。申正，散。寫曾孟樸，李耆卿訊。

正月二十日壬辰雨 四十九至五十一度

巳刻，到局。午刻，赴吳穎芝，蔣季和，潘經士之約，在經士家中，船菜甚精，並展覽舊書畫多種。同席有李引泉，鄧孝先，蘇坤山⁶⁷，嚴俊叔，彭子嘉諸君。申正，散。至北張家巷，訪沈子良同年而返。寫談丹崖訊。

正月二十一日癸巳陰 四十七至五十一度

劉柏生約赴鄧尉看梅。卯正，起身。辰初，至胥門碼頭，柏生尚未到，在水巡隊長處小憩。辰正二刻，仲仁，柏生來，同登舟。巳初，開行。午刻，過木瀆鎮登岸，至山塘街嚴氏花園荷花亭略坐。旋上船，午膳。申初，抵光福，乘肩輿至司徒廟，看漢柏。傍晚，至聖恩禪寺，中恕和尚招待晚膳，素席頗佳。夜，宿遠元閣。

【驚蟄】正月二十二日甲午晴 四十八至五十一度

巳刻，上玄墓，看真假山。乘肩輿游石壁精舍。又至蟠螭山，鄧尉之西麓也。香雪海山家，改種桑樹甚多，故梅花漸少。申刻，至光福登舟開行。過木瀆，已戌初矣。舟中晚膳。亥正，抵胥門，與柏生，仲仁告別，即返寓。兩日收信十餘件，閱罷就寢。

正月二十三日乙未晴 四十八九度

巳刻，訪仲仁。為蔚芝軫贈『人格』『軍箴』各一冊。旋到局。發京同鄉電，為寧垣華洋委員會不贊成江南工賑，請商賑務處將核准蘇省請撥閩垣原案，電咨陶遺省長通知委員會，以免誤會。午刻，赴張氏補園本城士紳公宴。申初，散。寫張滌珊訊。

正月二十四日丙申晴 四十八至五十一度

寫唐蔚芝，馮曉青訊。巳刻，到局。午正，返寓。未刻，王君宣來。酉刻，赴費仲深之約，同席有凌植支，李敏齋，彭子嘉，金松岑，龐蘅裳諸君。戌正二刻，散。

正月二十五日丁酉陰雨 四十八九度

巳刻，訪強振修，潘子義，陳惠農。午初，到局。未刻，返寓。寫黃秀齋訊。寫南九訊，坫致仲少梅縣長訊。堡市保甲會派施譽民來借測量儀器，令向工程處接洽借給若干件，並繕護照予之。

正月二十六日戊戌陰半晴 四十九至五十二度

金氏外舅秋平先生，外姑龐太夫人去冬八十冥壽，內子在京，未獲盡禮。今日在寶積寺誦經，補行設奠。午初，余往行禮，即在寺中午膳。申初，返寓。

寫張地山，姚孟醺，趙劍秋訊。

正月二十七日己亥晴 四十八至五十二度

午刻，借汪耕蔭義莊請客。凌植支，葛硯修，李敏齋，陳惠農，劉柏生，張仲仁，金積餘均到。申初，散。寫仇涑之訊，託硯修帶寧。

正月二十八日庚子陰雨 五十二三度

寫蔚芝，滌珊訊。楊觀侯祖父柳堂先生旧臘大除夕去世。輓以聯，云，惟長者享耄壽得考終，臘尾年頭厭棄塵緣歸淨土。有賢孫好旧學培新進，發聾振聵扶持正誼挽狂瀾。

寫陶遺省長訊，為吳敬之【立莊】說項。

正月二十九日辛丑雨 五十三至五十七度

巳刻，到局。午正，詣葑門內闕園消寒會。余与李印泉，彭子嘉為主人，共三席。申正，散。印泉以碑帖數種見贈。寫滌珊訊，託張子佩寄寧。寫蔚芝訊。

二月初一日壬寅晴半陰 五十五至六十一度

張蔭公，式銘昆仲來。桐鄉張心撫⁶⁸之尊人子極先生作古，心撫書來請銘誄，爰作七言誄詞，云，華夏改革事事新，行偽言詐盡失真。砥柱幸有老成人，張公浙西之右族。平生篤好楊園學，弟子千人宏樂育。家訓唯以詩禮傳，尤重孝弟與力田。行善濟世每拳拳，岐黃藝術亦窮研。六十有七公棄養，音容已渺空想像。公德不朽在天壤，敬作誄詞伸景仰。寫陸渭漁訊。

二月初二日癸卯陰 四十九至五十一度

巳刻，訪仲仁。適冷禦秋來，談兩刻。旋到局。午正，赴積餘內姪之約，同席有孔康侯，蔣季和，潘子義，子起，錢梓楚，金松岑。申初，散。至新橋巷松岑新居道賀。蓋賃龐氏之宅，明日喬遷也。又到局。少頃，即返寓。酉初，冷禦秋來，暢論江南水利。又商徒陽運河工程尚須籌款。渠擬往常州，晤曉青協議云。

二月初三日甲辰陰 四十七至四十九度

巳刻，到局。仲少梅縣長自南京來，談兩刻而去。午正，返寓。寫蔚芝訊。酉刻，赴水警庁長沈夢蓮之約，同席有仲少梅，畢勳閣，錢梓楚，宋績成，周洛奇，陸秉淵諸君。亥初，散。

二月初四日乙巳陰 四十五至五十度

巳刻，到局。與勳閣談督提測繪事。午刻，出城。至宴月樓請客。徐孟荃，孫仲瑜，陳劍剛，龔鎮六，張嗜蓮，蔭公，式民，龔重虞，張南榮均到。申初，散。

二月初五日丙午雨 四十七至四十九度

巳刻，費四橋來，談兩刻去。旋到局，誥誡工程處【人員】尽心職務。午

正，返寓。未刻，答候四橋，未值。

二月初六日丁未陰 四十六七度

巳刻，到局。午初，至鐵路飯店，約四橋西餐。未正三刻，別去。將游無錫，轉往寧垣云。寫馮夢老，李平老訊，余擬致北京政府電，徵求簽名也。電文如下。蘇省水旱兵荒，民生困苦。去年旅京同人擬辦江南工賑，請撥閔坵十五萬元，旋因淮徐海災，重分撥七萬五千元，放賑江南祇留半數，以之分發徒陽運河，劉河，及修建丹陽張官渡閘座，實屬不敷甚鉅。近來米價翔貴，民情恐慌。尤非積極興辦水利，保護農田，不足以紓民困而培國本。擬照皖省蕪湖閔坵徵河費之例，請令蘇省江海，鎮江，金陵，蘇州四閔，帶徵水利工程經費。按三箇月撥放一次，即以寧垣新組華洋委員會為監督頒放機閔，藉昭慎重。此項坵稅，俟海關加稅實行時一律停止。應請提議施行，不勝企禱。

二月初七日戊申陰 四十五至四十八度

春節祀先。為蘇省米荒各處主張平糶，因致孫馨帥，陳省長函，酌擬普及持久方法，請召集庁道各員討論商訂條例，見諸施行，並附「說米」三篇，藉供參攷。

【春分】二月初八日己酉陰 四十五至五十度

蘇城各機閔借留園公請地方士紳，余亦在主人之列。午刻，赴留園。申初，散席。步入又一村，繞行一周而返。

二月初九日庚戌陰半晴 四十六至五十三度

巳刻，到局。沈欣齋來，談湖田清理辦法，並催吳縣吳江交界處浚壑線圖。午正，返寓。袁緝光來。

二月初十日辛亥晴 四十八至五十六度

巳刻，管伯颺來，携交養山同年訊，遺我山左出品六種，並述魯省稅重捐苛，民不聊生狀況，談兩刻而去。旋到局。孫慎欽來，以隴海實業銀行章程，海州墟溝形勢函見贈。云今日回滬。余，午正返寓。劉肖雲，羅毅卿，袁則先先後來。戌刻，赴鐵路飯店肖雲之約。同席有直支，松岑。亥初，散。

二月十一日壬子晴 五十五至六十度

巳刻，到局。午正，返寓。洪子旂，寿民弟来，為昌大典房事，奉高等審判厅伝訊，応明日出庭也。申刻，張嗜蓮来，云將往南京，属写介紹書兩封。酉刻，走訪仲仁，柏生兩君，擬十三詣堯峰山，約余同往，並備汽船。

二月十二日癸丑晴 五十一至五十四度

巳刻，到局。蔣用蕃，陳吉泉来，亦為昌大典房事。午正，詣新橋巷松岑新居，設筵賀喬遷。子嘉料理，集十餘人作東，到者為張仲仁，費仲深，錢強齋，畢勳閣，尤賓秋，彭子嘉与余，李印泉約而未到。

写張子佩訊，寄寧州寄京電稿兩通。写吳方臣訊。

二月十三日甲寅晴 五十一至五十九度

卯初，起身。卯正三刻，上胥門汽船。巳初一刻，仲仁，柏生来，並約杭僧某同行。因胥江開河繞出楓橋。午初，抵木洸仲仁之戚吳于羹家，稍憩留麵飯。未初，乘山轎至堯峰山，從西麓迤遷而上，過半山中堯峰，露禪菴已毀。又轉出東面，至上堯峰寿聖寺，寺後有井，泉頗澄澈。登妙高峰，望東西洞庭，俱在目前。申初，下山。至下堯峰興福院，屋宇甚小，門前有明碑數方。旋至胥口，沿途所見田畝，高低不一，高者必苦旱，低者必苦潦，溝洫隄岸都不講究。甚矣，農政不修之為害也。折回木洸，已酉正矣。入茶樓啜茗。吳君又以麵相餉。戌刻，登汽船回。亥正，過省立医院前，船多擁擠，遂登岸。至東吳旅館略坐，候轎未至，僱人力車。返寓，子初三刻矣。

二月十四日乙卯晴 四十九至五十五度

巳刻，到局。蔣省菴来。午正，返寓。写馮曉青，冷禦秋，沙武曾訊。又復馮夢老訊，張地山訊。

二月十五日丙辰晴 五十一至六十度

写徐迴瀾訊。写李崇甫訊，謝贈書籍。吳方臣来，談加稅免厘事。方臣從前曾署湖北漢黃德道，其時江漢關稅務司安格聯⁶⁹⁾遇事頗相洽，今安為綏稅務司，大權獨攬，即各關稅務司亦權政自專，監督等於虛設，言之可慨。毓璩姪来，明日赴揚州省立蚕桑模範場⁷⁰⁾，応場長李鷺賓之招，蓋去

年余曾為之介紹也。

二月十六日丁巳晴 五十五至六十三度

巳刻，到局。午正，返寓。写管伯颺訊。余擬請求撥還兩浙緝私經費，分辦蘇浙重要工程，宜由蘇五属各推代表一人，会同浙西代表赴寧，与孫總司令協商辦法。蓋塩稅近年為各省截留，耗於軍用者，不可勝數。此項緝私經費，自民國八年度起，併入塩稅徵收，本属非法，今請撥還地方，名正言順。太属代表蔚芝，擬委託袁觀瀾，余因請其通知觀瀾，候余赴滬，接洽共策進行。

二月十七日戊午晴 五十六至六十七度

巳初，費四橋來，談三刻而去。余到局。午正，返寓。写張滌珊訊。

二月十八日己未晴 五十六至六十五度

巳刻，到局。查第二浚墾圖之面積，統吳縣吳江濱湖計之，共五十餘萬畝，其中宬浚水道，東出瓜涇，北出鮎魚口，皆鉅工也。午正，返寓。先考忌日祭祀。

【陽歷四月一日】二月十九日庚申小雨陰 六十至七十六度

辰刻，檢理行李。午初三刻，出城。候至未初二刻，上車。申初二刻，抵滬，寓東方旅社。酉刻，至來青閣，購得『三江水利紀略』⁷¹⁾二冊，乾隆中刊本，『畿輔河道水利叢書』⁷²⁾十冊，道光初刊本。

二月二十日辛酉雨 六十九七十度

巳刻，訪李平書，未值。董綬金同年亦未值。旋晤陶拙存，孫詢芻。午後，訪趙竹君，談一時許。酉刻，至來青閣，購張清恪公⁷³⁾『居濟一得』四冊，嘉慶刊本。

二月二十一日壬戌晴 六十五至七十一度

午前，拜客，都未值。平書來，談三刻而去。未刻，晤綬金同年，言請求撥還緝私經費事。渠亦贊成。訪王勝老，袁觀瀾，均不在滬。戌初，應詢芻一江春晚餐之約。戌正二刻，散。黃秀齋來談。

二月二十二日癸亥晴 六十五至七十三度

味辛外甥訊。午刻，雲岑來，約至新半齋喫刀魚麵。未刻，同往大慶里中國書店，携書目一冊，返寓。戌刻，應秀齋美麗川菜館之約。亥初，散。

【清明】二月二十三日甲子晴 六十九至七十三度

巳初一刻，平書來，約往東溝苗圃，參觀植樹場。巳正二刻，先至塘工局，晤局長朱福田⁷⁴⁾。午初，抵苗圃。主任楊伯平恩蔭，如皋人。苗圃地共五十畝，規畫頗有条理。午正，行植樹禮，樹先期種好，但澆水而已。旋攝影。折回塘工局午餐。未正，乘汽船至慶寧寺塘工分局，改坐上川汽車，至新陸甲子學校參觀。此校亦朱君創辦，有地七十畝，開溝種樹，亦有苗圃氣象。朱君年逾六旬，精明幹練，才勇過人。酉正，候乘汽車。仍至高橋碼頭上汽船，返滬。戌刻，余在倚虹樓請客，孫詢芻，葉扶霄⁷⁵⁾，黃秀齋，程雲岑均到。亥初三刻，散。

二月二十四日乙丑陰半晴 高七十五度，低五十六度

巳刻，至中華懋業銀行。又至大陸銀行，晤葉扶霄。午正，上車。未正三刻十分，抵蘇。趙厚生【正平】⁷⁶⁾赴寧，亦在車上，略談孫陳相處情形。吾蘇人希望孫氏以治浙者治蘇，而孰知蘇省實際與浙不同，孫之對於蘇政，絕不能以浙為比例。吾蘇人亦知所覺悟矣乎。

二月二十五日丙寅晴 五十六至六十五度

巳刻，到局。午初，訪仲仁，即返寓。滌珊來訊，代宜興吳谷宜⁷⁷⁾尊人子愷先生請誄詞，爰撰一首如下。

義興遺老衆所推，皎然通德在門楣。平生孝友道無虧，儉勤更足為人師。自是宿學天性厚，教誨子孫亦不苟。六十七十未祝壽，此道今人何處有。垂老厭聞鼙鼓聲，偶示微疾歸上清，仙侶飛將白鶴迎，橘隱長留萬古名。

二月二十六日丁卯晴陰夜雨 六十至六十五度

巳刻，彭丙乙錫範⁷⁸⁾來談，悉伊為周誦穆之婿。誦穆籍太倉，而寄居吾崇外沙，故於太崇兩地情形較稔。旋到局。午正，返寓。吳江周迦陵⁷⁹⁾，以其先德取藏書札裝潢成冊，來徵題詞，爰成七古一章如下。

君不見，松陵周氏通德門，五百年來代有人。恭肅媲美古大臣，忠毅又以

鋤奸聞。即令近邇百年前，楚中循吏事足傳。獻韡不顧上官曠，解組能保清白身。朋儕投贈片紙珍，子孫永寶世沢存。我觀斯冊意肅然，勉成俚句媿不文。

二月二十七日戊辰晴 五十七至六十六度

午初，到局。午正，赴松岑之約。同席有李印泉，張仲仁【，費仲深】，沈熈民，錢強齋，彭子嘉諸君，及臥雲和尚，是禪而能詩者，刻有『臥雲詩集』。申刻，散。

二月二十八日己巳陰半晴 五十五至六十三度

卯初，起身，收拾行李。辰初二刻，出城。辰正廿分，上車，晤無錫蔡君。午初，抵滬，上大運船。未初，啓掟。申初三刻，至堡口，即返農隱廬。

二月二十九日庚午陰微晴 五十五至五十九度

巳刻，朱楚良，郁繼生來，談堡口籌備保坍事。午初，垂虞來，留中膳而去。申刻，沈柏雲，龔郇膏，施露泉，韶九先後來。未刻，率家人詣先考妣墓次行礼。

三月初一日辛未小雨陰 五十七至六十度

巳刻，臬警佐臧吉雲來。未刻，詣北堡乾昌店，晤龔蔚雲，沈柏雲。旋至南堡警察所，商保坍進行事宜。申刻，開理事會議決事件。(一)請省長派委員駐崇執行會務。(二)就紗花布三業及輪船客票抽捐。(三)沿岸測量事竣，趕辦堡市區清丈。議畢，已酉正二刻。即散歸。寫陸頌虞訊。

三月初二日壬申晴 五十七至六十三度

朱少謙，沈柏雲來。寫費四橋，張滌珊訊。申刻，施丹甫來。酉刻，郁繼生携保坍會稿件來，閱後仍托帶去。函聘朱楚良為綜務主任。

三月初三日癸酉晴 五十七至六十三度

寫王溯沂訊，寄南通。余以堡口保坍工程省委一席，莫如王前縣長為宜，故去函徵其同意。

坎離丸方

黑豆不拘多少，桑椹汁浸透蒸熟，再浸共五遍，晒乾研末。紅棗蒸熟，去皮核，搗如泥，與黑豆末和勻，煉蜜為丸，彈子大或印成小餅。隨意食之，遠行作點心，最妙。

扶桑至寶丹方

曬桑葉（挾家園者，不拘多少，洗以長流水，摘去其蒂，曝乾為末，一斤），黑芝麻（淘淨四兩），白蜜一斤。用陰陽水煎芝麻濃汁兩碗，去麻存汁，和蜜煉至滴水成珠，將桑葉末搗和為丸，如梧子大。早以鹽湯服百丸，晚酒下。

孔聖枕中丹方

敗龜板【酥炙】，龍骨【研為末，入鷄腹一宿】，遠志【去心苗】，菖蒲【九節者，去毛切片】。其分兩，假定敗龜板一兩，餘三味各一錢。共為末蜜丸，重一錢，每服一丸，溫酒化下，日三服。余以兒孫輩讀書資質平常，體力柔弱，不能刻苦用功，擬酌備藥物，以補助之。

三月初四日甲戌晴微陰 五十七至六十二度

寫孫友琳訊，約其初十左右進城。未刻，詣龔萬之家，略坐。向東步行半里許，訪王杞伯先生，即西席式軒先生之尊人，上年避兵賃屋於此，遂移居焉。並租地十數畝，課晴問雨，從事農圃。真不愧清白吏（紫翔先生⁸⁰作宰中州）之後也。申正，返。

三月初五日乙亥陰晚雨 六十至六十三度

孫馨遠三月三日生辰，曾有不祝之表示。余是以未送禮。頃閱報，知祝壽者甚多。乃繕一函致之，略云，際茲修禊良辰，欣值崧生令誕，旌旗煥采，士庶騰歡。報載公有不受祝之表示，具仰沖懷，益深欽佩。竊謂，公之為壽，自有其遠者大者，故期望愈高，不敢以尋常諛頌之詞進目。今北方戰禍蔓延，生靈【塗】炭，人心厭亂，渴望太平，有能順應時機，奠定國是者，必其蠲除功利之心，而懷抱仁讓之德，庶幾慰海內之屬望，杜後日之紛爭。不然見利忘義，徇私誤公，悖天理而損人情，行見顛覆隨之耳。自古聖賢皆懷然於天人感應之捷。修德行義，以迓祥和。竊願，公正誼自重並持，此以為同胞勗斯國與民，咸蒙其福矣。另附牋，為吳方臣說項。

三月初六日丙子小雨陰 五十七至六十六度

孫濂甥寄來『三吳水利錄』一冊。『四庫全書提要』，明熹有光採集前人水議之尤善者七篇，而自作水利論二篇，以發明之。又以三江閘埭於其後。今刊本為有光之孫輔世重輯，增統錄埭錄共五篇。

午刻，詣堡口，上朝陽船。申刻，抵南門埠，即返家。

三月初七日丁丑晴 五十五至五十九度

午前，屢有客來。未刻，詣龔伯厚祝壽，座客甚多。旋步行至昌大公典，閱高等審判庁判決書，上訴人張鏡如無理由駁斥。申刻，到圖書館，略坐即返。復有客來。亥刻，寫張耆老訊，以堡市保甲會借調旋譽民測量規畫也。

三月初八日戊寅晴 五十六至六十三度

午刻，邀宗人便飯。到者，壽民弟及諸姪輩。未刻，詣壽安寺 祖塋行禮。旋至公園散步，在清遠堂啜茗，休憩兩刻而返。

三月初九日己卯晴 五十八至六十三度

煙賭為社會惡習。中國鴉片之害，懸禁二十年未能淨絕，今日乃有復盛之勢，加以紙煙流毒為害益甚。賭則麻雀牌之外，又好用撲克牌。麻雀牌係中國自製，撲克牌則來自外洋。有人調查，去歲一年，外國輸入中國撲克牌，總數在一千一百万副以上，每副以八角計算，共消耗八千八百万元。以社會不正當之娛樂，而使國內經濟損失如此之鉅，言之傷心。

中國風俗，禁止同姓結婚，與歐美各國禁止血族結婚，用意正同。然表兄弟與表姊妹結婚者甚多。習俗竟不顧禁例而行之。是與同姓結婚何異。蓋血族結婚，不惟易起不妊及流產等病。其結果必多缺陷之兒童，如虛弱畸形啞盲等症。為改良風俗計，當思所以糾正之。

【穀雨】三月初十日庚辰晴 五十六至五十九度

冠生弟招午膳。同席有施笠仙，陳子佳，龔伯厚，馮耀香，郁繼生，施調元暨南九。未刻，散。孫友琳自北沙來。趙厚生寄來『太平導報』十三冊。

三月十一日辛巳陰雨大風 五十六七度

余以友琳在此，約王子媿，陸頌虞，施調元，蘇靖民便飯。今日輪船阻風未開。曹吟秋送縣志稿本十五冊來。余留此。時間匆促，恐不能徧閱也。

三月十二日壬午陰 五十八至六十五度

閱縣志稿本，有忒修改處數十條，写出交施調元錄清，送還志局。亥初，訪仲少梅縣長，談兩刻而返。

三月十三日癸未陰 五十八九度

卯正三刻，內子挈銘兒，增錫兩孫返堡西。巳初，仲縣長來，談兩刻而去。巳正，嚴垂鄒來。午正，赴仲縣長之約。同席有壽民弟，嚴垂鄒，友潮，曹吟秋，陸賓谷，李麟洲，張磻漁。未正，散。

三月十四日甲申晴 五十六至六十四度

卯初，起身。卯正二刻，上大運船。耀香赴杭，亦在舟次。辰正，抵堡口乘轎。返農隱廬，巳初一刻矣。龔萬之來。戌刻，寫仲少梅縣長訊，坵寄塩務印刷品三種。

三月十五日乙酉晴 六十至六十三度

寫趙厚生訊，坵寄「論平糶書」印本，並詢江浙協會反對湖局用意。馮夢老寄來捐啓兩本，屬勸募江北春振用款。

三月十六日丙戌陰小雨 六十至六十二度

寄施調元振捐冊一本，屬其轉託彤雲軒代為勸募。閱『中吳紀聞摘鈔』閱乎水利者數條。

三月十七日丁亥晴 六十至六十二度

寫張子才訊，坵寄捐冊一本。子才六旬雙慶，四月初一日稱觴，故勸其節省筵資，移助振款。

寫王溯沂訊，寄如皋通泰鎮大賚公司。渠以辦理塩墾，恐不能兼顧此間保坍工程。然來書述平時半居角富，半居南通。如以南通閑暇之時，移駐吾邑，則兼差亦甚相宜。故去函再與商訂。

三月十八日戊子晴 五十七度至六十三度

周少如都門寄來『養蒙便讀五戒心法』『西方道琴十二首』印本各一冊。祝張子才六十双壽聯，云，居東海之濱，贏得杖鄉猶健足。如南山之壽，艷佻拳按尚齊眉。

三月十九日己丑晴 五十九至六十四度

曹吟秋為其太君龔節母八十壽徵詩。爰以長短句古風七解，祝之。詩云，曹氏有母，出自名門，霜清月白勵貞節，鄉里人人無間言【一解】。有子露頭角，童【年】失怙母撫育，布縷取贏供菽水，夜織還須課兒誦【二解】。課兒誦望兒早成名，天佑苦節，困極而亨采芹折桂，聲譽飛騰【三解】。皖江作宰，板輿迎養，母謂兒汝勿僅作富貴想，余茹艱苦三十年，但願汝母忘疇曩【四解】。俟焉遭世變，奉母歸去來，南陔白華能尽孝，東瀛桃李著意栽【五解】。吾聞母賢歲時久，今年八十合慶壽，萊子率先舞綵衣，繞膝孫曾【孫曾繞膝】幾排偶，又見季孫迎婦歸，觴詠競進麻姑酒【六解】。吁嗟，四代同堂世所【古來】稀，今於曹氏親見之，母有令德宜食報，千祥百福，莫非母所遺【七解】。

【陽歷五月一日】三月二十日庚寅晴 六十二至六十七度

寫徐蘭墅訊，為蔚芝託薦李舜封事。寫瞿季剛訊，為存款過期息金事。寫畢勳閣，潘子義訊。寫張滌珊訊，為方耿二人推重王晉民，出於何因，請其訪查。

三月二十一日辛卯陰半晴 六十五至六十九度

寫陶遺省長訊，言崇邑堡市保坍工程，請派王紹曾為委員駐崇督率。並致函張滌珊，與主管科接洽。

三月二十二日壬辰陰微晴 六十六至七十四度

閱新県志藝文目錄，編次先後，間有未愜。如施於身道光朝人，而廁於乾隆先輩中，應移置後頁。凡有學籍可稽者，次第按照入學先後，即不致大謬。因特簽出，便於付刊前校正焉。又施立範『學詩錄』八卷，其首頁寫道光二十【一】年鐫自得李藏板字樣。是當時曾刊刻，而此冊為付刊，以前之稿本，原詩無足稱道，而題詞頗有佳者，亦可編入藝文，以存其目。按，

立範為彥士，樸齋之胞姪。

三月二十三日癸巳陰半晴 六十九至七十二度

『史記』河渠書，『漢書』溝洫志，皆紀穿渠溉田事。而班氏易河渠之名為溝洫，實表示溉田宜復溝洫。而秦漢以來，穿渠之勞費為非計也。按『書』所紀，鄭國白公，鄭當時諸渠外，如河東守番係言，穿渠引汾溉皮氏，汾陰下，引河溉汾陰，蒲坂下，度可得五千頃。故盡河堧棄地，民芟牧其中耳，今溉田之，度可得穀二百万石以上。穀從渭上，與關中無異，而底柱之東可無復漕。上以為然，發卒數萬人作渠田。數歲，河徙，渠不利，田者不能償種。久之，河東渠田廢。其後嚴熊言，臨晉民願穿洛以溉重泉以東萬餘頃故惡地。得水，可令畝十石。於是為發卒萬人穿渠，自徵引洛水至商顏下。岸善崩，乃鑿井，深者四十餘丈。往往為井，井下相通行水。水隕以絕商顏，東至山領十餘里間。井渠之生自此始。穿得龍骨，故名曰龍首渠。作之十餘歲，渠頗通，猶未得其饒⁸¹。此兩段，皆紀穿渠之利有名無實，而末段又紀王莽時張戎之言，力詆穿渠溉田之為河害，意可知也。善夫，王太岳『涇渠志』後序云，兩史具書其調發之衆，興作之久，言事者之無效，蓋所以深致其意，以戒人之妄言興利，何其婉而彰也。

三月二十四日甲午陰晴小雨 六十七至七十五度

井田之制，起於黃帝，三代因之。自商鞅開阡陌，而井田廢。勸農書曰，欲仿井田，不必盡泥古法，縱橫曲直，各隨地勢，淺深高下，各因水勢。程子云，必井田而後天下可為。非聖人之達道，道在仿其意，行之而民不病。蓋田不可復井，而遂徑溝畛之遺意猶存也。以上，見楊景仁「田制說」。

【立夏】三月二十五日乙未陰微晴 六十五度至六十八度

寫彭子嘉，王駢齋訊。寫陸味辛，單東笙訊。

三月二十六日丙申晴 六十三至七十一度

巳刻，亞虞來，留午膳而去。申刻，倚槎來。

三月二十七日丁酉晴 六十五至七十二度

禹九來，言日內赴無錫國學專修館，索余「說米」印刷品，以八冊付之。

申刻，繼生，郇膏來。寫潘子義訊。寄孫濂甥軫致。

三月二十八日戊戌小雨陰晴 六十七至七十度
內子患肝胃不和，氣痛失眠，請張天翼診視。

三月二十九日己亥陰半晴 六十九至七十三度
寫沙武曾訊。論太湖流域水利。無錫胡雨人主張，闢通江大河數道，引江水內注。果如其策，則不出三百年，太湖變為平陸，而黃浦亦淤，不能通巨航矣。雨人之誤，遺自宋人。『禹貢』三江既入，震澤底定二句，本不相蒙。漢鄭氏注解甚明，乃宋人將兩句連讀，認為有闕連，力持三江分洩之說，遂致吳淞一江亦不能保存。蓋渾強清弱，無往不淤也。雨人以為江水渾濁，不若黃河之甚，不妨任其出入。不知江水而如黃河之濁，則引以灌湖，不出三十年，湖悉成田。今延長時期，以三百年計之，固知江水不若黃河之濁也。然受淤則一，遲速不同耳。太湖流域治水方法，隄防，閘壩，撩淺三者並重。宋人雖誤解，三江尚注重隄閘，若雨人則觀念益謬矣。

三月三十日庚子晴 七十至七十五度
寫單束筮訊。登瀛校長樊新岩寄來登瀛學校紀念碑，為余代撰者，點竄數十字，還之。

四月初一日辛丑陰雨 六十九至七十一度
南堡龔硯侯作古，邀余題主。硯侯為放才姊丈之堂弟。余贈輓聯一副。午刻，往吊之。題主畢，留膳。未正，返。寫傅寫忱道尹訊，為崇寶沙田爭執案，商一根本解決方法，蓋日內有省委履勘也。

四月初二日壬寅晴微陰 六十七至七十度
朱楚良，郁繼生來。余屬令通知保坍會各理事，訂期集會一次。駐蘇緝私第六營營長韓雲波之尊人作古訃來，悉前清曾就武職，晚年好仙。挽以聯，云，家世武功能衛國，耄年仙學定生天。

四月初三日癸卯晴 六十六至六十九度
適南堡，施氏姪女昨來訴與葉姓田土膠轕事，詢悉葉為張天翼之姑丈，葉

子在張処任小学教員，余擬為之疏解。未刻，至韶九家，約葉子福同面勸之，允告乃翁商酌後答復。其時，楚良，丹甫均在座，略用茶点。申正，即返。

四月初四日甲辰晴 六十四至六十七度

邱炳文【福彪】，管建模【鎔】，許黽齋【勉】，宋季剛【烜】，杜友直【企韓】來，皆大生紗廠執事。繼生同來，少坐即去。申初，為保坍會集議，余至大通紗廠樓上。申正，開議花紗布徵收方法，遷移會所，修正會章，調查堡市区内各沙狀地數。酉正，議畢，遂返。

四月初五日乙巳晴 六十三至六十八度

万之，南九先後來。写胡君馱，徐燕庭訊。

四月初六日丙午晴半陰 六十五至七十二度

写張滌珊，馮曉青訊。賓九從南通寄來新南墾植公司股票一紙。此票昔年搏九借去抵押茅友仁處，以欠款久延，改過茅之戶名，近由穀人備款贖回，仍須過戶換股票，俟到滬向南通實業辦事處接洽。

四月初七日丁未晴 六十九至七十五度

後漢崔瑗，字子玉，涿郡人也。隋唐間崔珏，字子玉，祁州人也。同姓同字而不同名，『文選』崔子玉座右銘一首，五言十韻共百字。『崔府君祠錄』⁸²⁾紀訓子敬嗣百字文，与座右銘不同者二十八字。蓋府君取古人之銘，略加改易以訓其子。時代不同，而姓字皆同，亦云奇矣【銘文分紀如下】。座右銘 無道人之短，無說己之長。施人慎勿念，受施慎勿忘。世譽不足慕，惟仁為紀綱。隱心而後動，謗議庸何傷。無使名過實，守愚聖所藏。在涅貴不緇，曖曖内含光。柔弱生之徒，老氏誠剛強。行行鄙夫志，悠悠故難量。慎言節飲食，知足勝不祥。行之苟有恒，久久自芬芳。訓子百字文 無道人之短，無誇己之長。施人切勿吝，受施慎勿忘。世譽非堪慕，惟仁即【紀】綱。隱心而後動，謗議庸何傷。勿使名過實，守愚勝所藏。在德不在顯，曖曖而含光。柔弱身之本，老氏戒剛強。行藏修大志，悠久業難量。慎言節飲食，知足道益彰。行行果有矩，久久日芬芳。

四月初八日戊申雨陰 七十二三度

写彭会辦子嘉訊，坵寄陳省長与江浙協會，為湖田放墾事往返電文。

四月初九日己酉晴 六十九至七十五度

写張帖華訊，秘書處擬致顏駿人撰閣賀電，余改易数語，謂，義重救時，權能濟變。蓋就事實言，並不許其為曹錕撰政也。

四月初十日庚戌晴 七十至七十四度

內子乘大運船赴滬。写楊觀侯訊。

【小滿】四月十一日辛亥晴 六十九至七十四度

作水利論一篇，題曰「答客問太湖流域水利計畫」⁸³⁾。写費四橋，程雲岑訊。

四月十二日壬子晴 六十九至七十六度

仲少梅鼎長來，留午膳而去。以東廡【久】鄉發見煙苗，雖先經剷除，而省令親往查察，故有此行。酉初，余往第二警所答候仲鼎長，少坐。聞穀人病，往問之，以病久虛弱，汗多，精神疲倦，語言尚清晰。勸其靜養，勿過慮。搏九前三日得電，即返。写彭子嘉，憚禹九訊。

常州欲開浚孟河，禹九請湖局派隊測量，經費常州任三之二。復書允之，因屬子嘉飭工程處準備，並派林主任保元先往接洽。

四月十三日癸丑晴 七十一至七十八度

黃帝創造甲子，至民國十三年為第七十八甲子，計四千六百二十一年。今歲丙寅，則為四千六百二十三年。『甲子紀元』一冊坵「歷代建都攷」，光緒初杭州王維翰輯。可与『辭源』坵刻之「歷代大事記」參觀。

四月十四日甲寅晴 七十三至七十六度

韶九留仲鼎長午膳，邀余作陪。余以收拾行李，未往。張離喈，龔万之，沈柏雲先後來。

四月十五日乙卯陰大風晚小雨 七十三至七十八度

余本擬今日赴滬。辰正，至堡口，以南風甚緊，潮又退落，駁船不能駛出，

遂折回。過警察所，晤繼生，譽民，少坐即返。

四月十六日丙辰微晴晚小雨 七十五至八十度

報載駐京美使致外交部節略，云，禁酒為美国政策，費城賽會請飭勿使華商運酒類入口。按，美国禁酒，其国内上下均能守法。回視吾國，禁煙達二十年，前清末葉頗有肅清之望。近十年來，煙風大盛。其故由於政府禁令不行，居高位而有嗜好，則屬員不復顧禁令。為將領而有嗜好，則兵丁不復顧禁令。士大夫而有嗜好，則庶民不復顧禁令。孔子曰，其身不正，雖令不從⁸⁴)。上行下效，捷於影響國人，不講道德，致法律亦有時而窮。比之美国禁酒，恥莫大焉。上海拒毒會歡迎丁文江討論禁酒問題，唐紹儀演說我國鴉片損失年達八百兆元，外來鴉片及毒物價值二百餘兆元，合計每年損失不下千餘兆。凡屬國民，人人有拒毒之義務。凡壳煙，運煙，吸煙者，視為非人類，斷絕交誼，即親戚亦不往來。鍾可托謂，上海鴉片問題過於複雜，非官庁與租界當局會同查禁，難以收效。更望先自淞滬軍政各界戒吸鴉片，以示尊重禁律，而為人民表率。按，鍾君之言，可謂知本。惜乎，不能實行耳。

四月十七日丁巳陰 七十一至七十八度

辰初，赴堡口，即上朝陽船。晤咎勝存，嚴重鄒，蔡申甫。午初二刻，抵滬，寓東方旅社。內子住戴公館，肝胃病大作。申刻，往視。之前兩月，服曹融甫藥方，稍平。少坐，融甫來復診，統開一方，並言飲食宜留意，凡難消化之物，皆忌食。

四月十八日戊午晴 七十五至八十度

內子來，言服藥未見大效。胃口不佳，食物都嫌無味。午刻，同至倚虹樓點西餐少許，尚覺適口。旋即返戴公館。寫陸雲舫訊，謝贈白燕銀耳等物。酉刻，至善書流通處，選購五種，寄龔萬之，為歡化鄉里演講資料。亥刻，雲岑來，談兩刻而去。

四月十九日己未晴 七十五至八十五度

辰刻，赴車站，先運行李五件至蘇。午刻，內子亦到，同上車。申初，抵蘇，即返寓。上海為五卅紀念，租界內外皆罷市。戌刻，子嘉來。

四月二十日庚申晴 七十三至七十六度

松岑自南京來，述謁見省長，政務庁長，商酌內河小輪抽收水利工費事。寫費四橋訊。酉刻，袁則先來。寫張滌珊訊。

【陽歷六月一日】四月二十一日辛酉晴 七十一至七十八度

辰刻，至車站，晤沈希白，略坐。巳初，上車。巳正二刻，抵無錫。塗遇費四橋，同至無錫飯店，渠本寓此。午刻，邀余至新世界西餐。未初，詣西溪，晤蔚芝，談五刻許。又過大河上，訪丹翼。精神不減往年，惟自云手足微覺麻木，平時不敢出門。酉刻，返蘇。星槎來，述仲少梅恐有調動，請為維持。余告以少梅尚能幹，惟用人不當，難免受累耳。

四月二十二日壬戌晴 七十一至七十六度

巳刻，到局。午正，返寓。內子胃病引動肝氣，時時作痛。費仲深薦双林巷金姓女醫來推拿，姑試之，夜能安睡，是固有明效也。

四月二十三日癸亥晴微陰 七十一至七十五度

巳刻，到局。核定孟河測會經費預算冊。午正，返寓。未正，訪仲仁，略談。寫陶遺省長訊。寫許秋帆訊。索新印浦江水道調查書，並詢浚浦局歲修經費。江海關按照進出口貨稅率如何徵收。

四月二十四日甲子小雨 六十八九度

巳刻，到局。午正，返寓。松岑送閱程徵君【瑤田】『禹貢三江攷』三卷⁸⁵⁾。徵君篤信鄭康成注，依經說義，力破二千年来諸家之說，乃知三江實止一江也。紛紛聚訟，徒滋淆惑耳。蔡西峰『書經集傳』⁸⁶⁾引庚仲初注『揚都賦』云云。『揚都賦』已失傳，無可攷。

四月二十五日乙丑晴 六十八至七十五度

巳刻，訪高等審判庁朱郁堂庁長，談三刻許。又訪水警庁沈夢蓮庁長，致達衢弟履歷。寫陶遺省長訊。又寫張滌珊訊。均為江南工振款暫存大陸銀行保管事。

【芒種】四月二十六日丙寅晴 七十至七十七度

陳哲侯來。酉刻，劉柏生來，約廿九日同往洞庭西山察勘湖蕩。

四月二十七日丁卯晴 七十二至七十八度

巳刻，答訪陳哲侯，已動身回杭矣。旋詣清理湖田事務所，訪沈欣齋，悉東山放領事正在進行中。到局，寫揮禹九函，派林佑之赴常州，接洽孟河測量事宜。午正，返寓。

天氣亢旱，寧蘇等處祈雨，均無效。今日『申報』紀天津電，云，天乾物燥，火災迭見，禱令斷屠祈雨無效。禱即新直督褚玉璞⁸⁷⁾也。又電云，永定河水涸，自來水改用海河水，味鹹，飲之多患腹瀉。各租界外人，多改飲蒸溜水。奉天電云，各縣紛報亢旱，五穀多未入土，鄉民來城祈雨者，踵相接。省垣禁屠兩次，仍未落透雨。按，『授時通攷』⁸⁸⁾載，夏甲子雨，赤地千里。本月二十四日甲子，陰雨。如果應驗，則旱災區域必廣，甚可慮也。

四月二十八日戊辰晴 七十三至八十二度

巳刻，到局。滌珊來信，報告寧垣華洋委員會，對於閔埭振款疏治徒陽運河，反對甚力。余惟，各省分領閔埭，或散給災戶，或舉辦工程，隨地而異，大都由各省自行酌定。他省姑不具論，試觀浙江請款，在吾蘇之後，指定疏浚南湖，豈浙省被災獨餘杭一縣耶。然撥款到浙，未聞浙人之反對疏濬【湖】也。亦未聞杭州華洋委員會之有異議也。反觀吾蘇，何以如是。徒陽居太湖上游，淤塞多年。湖局本應疏浚，祇以工費艱鉅，未能籌。及劉河撩淺建閘，歷年編入預算，總以無款，未能履行。今承同鄉請撥閔埭委辦兩河工程，主要關鍵仍在繼續籌集鉅款，方能舉辦。余自度無此才力，況華洋委員會對余顯有不信任之表示，惟有讓賢引退，草具通告，請京外同鄉，另推繼任督辦，以專責成，而慰衆望。午正，返寓。

四月二十九日己巳晴陰晚小雨 七十六至八十五度

辰正二刻，出胥門上船，候仲仁，柏生到。巳正二刻，開行。木洸市河淺阻。酉初，抵胥口，張虎侯留晚膳【船即泊其門前】。

註

- 1) 馮玉祥(1882-1948)字は煥章。直隸省青島の生まれ。淮軍に入り、後、袁世凱に従う。署陝西督軍、河南督軍、西北辺防督辦など。1924年、第二次奉直戦争に際し、北京でクーデタを起こし、国民軍総司令に就任。1926年、国民党に加入。国民革命軍第二集団軍総司令、河南省政府主席。国民政府の諸職を歴任。1930年、中原大戦に敗れ下野。1946年、アメリカに渡る。帰国途上、船舶火災で死亡。徐友春主編『民国人物大辞典』(増訂版)、石家莊:河北人民出版社、2007年、2046頁。
- 2) アイシギョロ・フリン(1638-1661)清の第三代皇帝。廟号は世祖。順治帝。岩波書店辞典編集部編『岩波世界人名大辞典』、岩波書店、2013年、5頁。
- 3) 袁良(1882-?)字は文卿、文欽。浙江省杭県の人。早稲田大学に留学。大総統府秘書、奉天警察庁庁長などを務める。1925年、全国水利局総裁。国民政府成立後、上海市公安局局長、江西省政府保安處處長、北平市市長などを務める。『民国人物大辞典』(増訂版)、1100-1101頁。
- 4) 冒広生(1873-1959)字は鶴亭、鶴汀。江蘇省如臯の人。挙人。民国以後、浙江甌海関監督、江蘇鎮江関監督、淮陰関監督など。『民国人物大辞典』(増訂版)、1013頁。
- 5) 清・張穆『蒙古游牧記』十六卷。
- 6) 明・陸応陽撰、清・蔡方炳補『広輿記』二十四卷。
- 7) 陳名侃。江蘇省江陰の人。字は夢陶。挙人。清末、外務部左丞、宗人府府丞を務める。陳玉堂編著『中国近現代人物名号大辞典』(全編増訂本)、杭州:浙江古籍出版社、2005年、680頁。
- 8) 沈瑞麟(1874-?)字は硯齋。浙江省呉興の人。挙人。駐オーストリア公使、外交部政務次長、外交部総長、内政部総長などを歴任。1932年、満洲国宮内府大臣。『民国人物大辞典』(増訂版)、753頁。
- 9) 蔡寅(?-1937)江蘇省呉江の人。字は清任。青純、治民、懷廬と号す。日本に留学。広東高等検察庁検察長、国民政府司法部参事などを務める。『中国近現代人物名号大辞典』(全編増訂本)、1285頁。
- 10) 何秋濤『朔方備乘図説』、畿輔通志局、1877年。
- 11) 汪士鐸『水経注図』一卷、『附録』一卷、益陽胡林翼、1861年。
- 12) 梁鴻志(1882-1946)字は衆異。福建省長楽の人。挙人。京師大学堂を卒業。民国成立後、法制局参事、京畿衛戍司令部秘書處處長。安福国会秘書長を務め、安直戦争後、北京日本公使館に逃れる。臨時執政府秘書長、日本の東方文化事業総委員会委員など。1938年、中華民国維新政府行政院院長。後、汪兆銘国民政府の監察院院長、立

- 法院院長などを務める。戦後、国民政府により処刑。『民国人物大辞典』（増訂版）、1734-1735 頁。
- 13) 白月恒『民国地誌』、北京：北京高等師範学校図書館、1921 年。
 - 14) 白眉初『中華民国省区全誌』第 1-5 冊、北京：師範大学史地系、1924 年。
 - 15) 仲頤。字は少梅。江蘇省呉江の人。1925 年 9 月から 1926 年 6 月まで崇明県長。上海市崇明県志編纂委員会編『崇明県志』、上海：上海人民出版社、1989 年、185 頁。
 - 16) 白眉初（1876-1939）名は月恒。河北省盧龍の人。天津北洋師範学堂を卒業。国立北京高等師範学校教授、省立東南大学教授、国立北京師範大学教授、国立北平大学女子師範学院教授、中国地理学会総編輯、国立北平研究院研究員などを歴任。『民国人物大辞典』（増訂版）、291-292 頁。
 - 17) 楊寿枢。江蘇省無錫の人。字は蔭伯、蔭北。制誥局局长、参政院参政などを務める。『中国近現代人物名号大辞典』（全編増訂本）、367 頁。
 - 18) 章宗祥（1879-1962）字は仲和、浙江省呉興の人。明治大学に留学。帰国後、進士、憲政編查館編制局副局長など。民国以後、法制局局长、大理院院長、司法部総長など。1916 年、駐日特命全権公使。1918 年、日中共同防敵協定を締結。1919 年、パリ講和会議に参加。五四運動により免職。後、中華匯業銀行総理、北京通商銀行総理など。『民国人物大辞典』（増訂版）、1703 頁。
 - 19) 徐世昌『顔李学』。
 - 20) 王士仁『哲盟実剂』、梨樹県春和石印局、1913 年。
 - 21) 薛篤弼（1892-1973）字は子良。山西省解県の人。山西法政学堂を卒業。同盟会に加入。民国以後、署河南財政庁庁長、署司法部次長、内務部次長、京兆尹、甘肅省省長などを務める。国民政府成立後、河南省民政庁庁長、衛生部部长、全国水利委員会委員長、行政院水利部部长など。中華人民共和国成立後、政協上海市委員会常務委員、政協全国委員会委員、上海法学会理事、上海律師協会副主任、民革中央委員など。『民国人物大辞典』（増訂版）、2570 頁。
 - 22) 号は韻目代日で 20 日のこと。
 - 23) 于宝軒（1875-?）字は子昂、志昂。江蘇省江都の人。日本に留学。民国以後、内政部民治司司長、参議院議員、交通部秘書、内務部次長など。日中戦争中、中華民国維新政府交通部次長。『民国人物大辞典』（増訂版）、35 頁。
 - 24) 屈映光（1883-1973）字は文録。浙江省臨海の人。光復会に加入。辛

- 辛亥革命時、各省都督府代表連合会代表。後、浙江都督府民政司司長、署浙江省民政長、浙江省巡按使などを務める。1919年、署山東省省長。後、大總統府顧問、善後会議代表、臨時執政府内務総長など。辞職後、欧米を視察。帰国後、仏教を学ぶ。1949年以降は台湾に渡る。『民国人物大辞典』(増訂版)、953頁。
- 25) 許修直(1880-1954)原名は卓然。字は西溪。江蘇省無錫の人。日本の中央大学法科を卒業。江蘇提法司科長、浙江高等審判庁代理庁長、大理院推事などを歴任。1924年、国務院印鑄局局長。国民政府成立後、交通部參事、内政部常務次長。日中戦争中、中華民国臨時政府新民会厚生部部长、中華民国維新政府行政院司法行政部部长、北平市長など。『民国人物大辞典』(増訂版)、1683頁。
- 26) 張相文(1866-1933)字は蔚西。江蘇省泗陽の人。江北師範学堂教務長、天津北洋女子高等学校校長、中国地学会会長などを務める。民国成立後、衆議院議員、私立輔仁大学校董。『江蘇省志』編纂に携わる。『民国人物大辞典』(増訂版)、1823頁。
- 27) 談荔孫(1880-1933)字は丹崖。祖籍は江蘇省無錫。山陽の生まれ。東京高等商業学校に学ぶ。1908年、商科学人。民国以後、中国銀行総行計算局局長、国庫局局長、南京分行行長、北京総行行長。後、大陸銀行董事長兼總經理。『民国人物大辞典』(増訂版)、2540頁。
- 28) 羅鴻年(1882-1957)字は雁峰。江蘇省丹徒の人。上海南洋公学を卒業、イギリスのパーミンガム大学で商学士学位を取得。帰国後、中国銀行稽核、參議院議員、上海造幣廠廠長、教育部次長、大陸銀行總經理など。『民国人物大辞典』(増訂版)、2791-2792頁。
- 29) 解樹強(1880-?)字は斐青。江蘇省阜寧の人。早稲田大学に留学。參議院議員、憲法起草委員、衆議院議員など。敷文社編『最近官紳履歴彙録』(近代中国史料叢刊第45輯450)、台北：文海出版社、1970年(初版1920年)、193頁。
- 30) 張嘉璈(1889-1979)字は公權。江蘇省宝山の人。江南製造局広方言館に学ぶ。慶應義塾に留学。民国成立後、中国銀行總經理を務める。国民政府成立後、中央銀行常務理事、交通部部長など。1949年以降、オーストラリアを経てアメリカに渡る。『民国人物大辞典』(増訂版)、1869-1870頁。
- 31) 費保彦(1890-1980)名は子彬、四橋。江蘇省武進の人。黒龍江省財政庁庁長、善後委員会主任など。国民政府成立後、外交部顧問など。後、医業に従事。1949年以降、香港に移る。『民国人物大辞典』(増訂版)、2098頁。
- 32) 白眉初『地理哲学』、北京：新共和印刷局、1923年。

- 33) 『孟子』梁惠王上。
- 34) 『論語』子路。
- 35) 邵章 (1874-1953) 字は伯炯。倬齋と号す。浙江省杭県の人。進士。法政大学速成科に学ぶ。帰国後、杭州府中学堂、浙江兩級師範学堂、湖北法政学堂、東三省法政学堂監督、奉天提学使、北京法政専門学校校長などを務める。『民国人物大辞典』(増訂版)、783頁。
- 36) 杜甫。
- 37) 顔元 (1635-1704) 字は易直、渾然。習齋と号す。博野の人。実用的・功利主義的な儒学を主張。清末に再評価され、弟子の李塋とともに顔李学の祖とされた。『岩波世界人名大辞典』、656頁。
- 38) 朱溥恩 (1875-?) 字は稚竹。江蘇省武進の人。江蘇諮議局議員、衆議院議員を務める。『最近官紳履歴彙録』、30頁。
- 39) 濮蘭徳 [John O. P. Bland]、白克好司 [Edmund T. Backhouse]、陳冷汰、陳詒先訳『清室外紀』、上海：中華書局、1915年。
- 40) 陳世宜 (1883-1959) 江蘇省江寧の人。字は小樹。倦鶴、匪石と号す。日本に留学、同盟会に参加。帰国後、南社に加入。『民権報』『生活日報』『民信日報』『民国日報』『中華新報』記者、中国大学教授、華北大学教授、持志大学教授などを務める。戦後、中央大学教授。『中国近現代人物名号大辞典』(全編増訂本)、673頁。
- 41) 濮蘭徳、白克好司、陳冷汰、陳詒先訳『慈禧外紀』、上海：中華書局、1914年。
- 42) 陳錦濤 (1871-1939) 字は瀾生。広東省南海の人。コロンビア大学、イェール大学に留学。進士。大清銀行副監督、度支部統計局局長、資政院議員などを務める。民国成立後、財政部駐外財政員としてロンドンに駐在。帰国後、段祺瑞の下で内政部総長、財政部総長、塩務署督辦など。国民政府以後、清華大学法学院教授、財政部幣制委員会主席など。1938年、中華民国維新政府財政部部長。『民国人物大辞典』(増訂版)、1493頁。
- 43) 清・趙尚輔輯『湖北叢書』、三餘草堂、1891年。
- 44) 龔心湛 (1871-1943) 字は仙洲、仙丹。安徽省合肥の人。イギリスに留学、各地の公使館員を務める。民国成立後、漢口中国銀行行長、安徽省財政庁庁長、塩務署督辦、財政部総長、幣制局特辦、造幣総廠総裁、國務總理代理、内務部総長、交通部総長などを歴任。晩年は天津に居住。1942年、華北政務委員会諮議會議委員。『民国人物大辞典』(増訂版)、2852頁。
- 45) 黄宗羲。

- 46) 清・孫詒讓『墨子閑話』十五卷。
- 47) 梁濟『梁巨川先生遺筆』, 1920年。
- 48) 金紹曾『立達篇』, 1918年。
- 49) 徐用福『橫橋堰水利記』, 1899年。
- 50) 李家駒(1870-1938)字は昂若。柳溪と号す。広東駐防漢軍正黄旗人。1894年の進士。清末に京師大学堂監督, 考察日本憲政大臣, 学部右侍郎, 資政院副総裁などを務める。『民国人物大辞典』(増訂版), 515頁。
- 51) 袁勵準(1877-1935)字は珏生。中州と号す。江蘇省常州の人。1898年の進士。京師大学堂監督などを務める。民国成立後, 清史館編纂, 輔仁大学美術系教授など。『民国人物大辞典』(増訂版), 1115頁。
- 52) 清・吳邦慶輯『畿輔河道水利叢書』, 益津吳氏, 1824年。
- 53) 施愚(1875-1930)字は鶴雛, 小山と号す。四川省涪陵の人。1898年の進士。翰林院編修を経て, 日本, アメリカ, ドイツなどに留学。帰国後, 考察憲政大臣顧問, 憲政編查館科員, 度支部清理財政処総辦などを歴任。民国成立後, 法政局局長など。天壇憲法を起草。洪憲帝制に参加し後に失職。『民国人物大辞典』(増訂版), 1041頁。
- 54) 黎元洪(1864-1928)字は宋卿。湖北省黄陂の人。北洋水師学堂に学び, ドイツ留学。張之洞の招きで湖北へ。1911年, 武昌蜂起に際し, 中華民国軍政府鄂軍大都督, 海陸軍元帥。中華民国成立後, 副総統, 共和党理事長, 進歩党理事長など。1916年, 大總統就任。1923年離職。晩年は天津に居住。『民国人物大辞典』(増訂版), 2410頁。
- 55) 許世英(1876-1964)字は静仁。俊人と号す。安徽省秋浦の人。民国成立後, 大理院院長, 司法部総長, 内務部総長, 交通部総長, 安徽省省長など。1925年12月から1926年2月まで国務総理を務める。1949年以降, 台湾に渡る。『民国人物大辞典』(増訂版), 1676頁。
- 56) 陳劍虹(1881?-1946)江蘇省金山の人。原名は陳瑤, 陳公瑤, 陳水。字は道一, 劍虹。道公, 道遺, 陶遺と号す。上海中国公学を卒業。早稲田大学に留学, 光復会・同盟会に加入。端方暗殺未遂により入獄。民国以後, 黒龍江省で東井墾殖公司を経営。1925年12月から1926年12月まで江蘇省省長を務める。『中国近現代人物名号大辞典』(全編増訂本), 702-703頁。
- 57) 王紹鏊(1888-1970)字は却塵, 恪塵。江蘇省呉江の人。早稲田大学を卒業。民国以後, 衆議院議員。後, 中国共産党に加入。戦後, 中国民主促進会を創設。人民共和国以後, 財政部副部長, 全国人民代表大会予算委員会副主任, 政治協商会議全国委員会常務委員など。『民国人物大辞典』(増訂版), 148頁。

- 58) 黄藝錫 (1881-1973) 字は潤書。江蘇省上海の人。日本に留学，帝国大学農林科を卒業。民国以後，農商部農林司司長など。『民国人物大辞典』(増訂版)，1626頁。
- 59) 李焜『学楽録』・毛奇齡『竟山楽録』(顔李叢書)，北京：四存学会，1923年。
- 60) 吳汝綸『漢書点勘』，深沢王氏排印本，1919年。
- 61) 齊樹楷『論語大義』，北京：四存学会，1924年。
- 62) 周承裕 (1882-?) 字は善先。江蘇省呉県の人。上海南洋公学を卒業。ロンドン大学財政科に学ぶ。帰国後，上海交通銀行稽核員，郵伝部款項処稽核員。民国以後，審計院審計官。『最近官紳履歴彙録』，76頁。
- 63) 聶雲台 (1880-1953, 名は其傑) が創刊した『聶氏家言旬刊』のこと。
- 64) 冷士崑『江冷閣詩文集』。
- 65) 胡庶華 (1886-1968) 字は春藻。湖南省攸県の人。北京訳学館を卒業，ベルリン工業大学に留学。帰国後，国立武昌大学総務長，江蘇省政府教育庁庁長，江蘇図書館館長。国民政府成立後，漢陽兵工廠廠長，中国工程学会会長など。国民党に加入。日中戦争中，国立湖南大学校長，国立重慶大学校長，国立西北大学校長など。1949年以降，香港に移る。『民国人物大辞典』(増訂版)，993頁。
- 66) 惲毓昌 (1868-?) 字は禹九。江蘇省武進の人。長江巡閱使参謀長。『最近官紳履歴彙録』，180頁。
- 67) 蘇謙 (1878-?) 字は坤山。江蘇省江浦の人。南洋陸軍学堂を卒業。江蘇都督府軍備科長，軍政司長，江蘇陸軍第二師第四旅長など。『最近官紳履歴彙録』，253頁。
- 68) 張長。浙江省桐郷の人。字は心蕪，心撫。一鳴と号す。南社社友。『中国近現代人物名号大辞典』(全編増訂本)，586頁。
- 69) Francis Arthur Aglen (1869-1932) イギリス人。1888年に中国海関に入り，1910年副総稅務司，1911年総稅務司に就任。1927年に付加關稅の徴収拒否のため，北京政府に免職された。中国社会科学院近代史研究所翻譯室編『近代來華外国人名辞典』，北京：中国社会科学出版社，1981年，4頁。
- 70) 江蘇省立蚕桑模範場は1917年に江蘇省実業庁により設立され，銅山県，灌雲県にも分場が設置されたが，1927年に分場を廃止し，江蘇省立揚州蚕業試験場に改名した。江蘇省地方志編纂委員会編『江蘇省志・蚕桑糸綢志』，南京：江蘇古籍出版社，2000年，163-164頁。
- 71) 清・張世友等纂『三江水利紀略』四卷。
- 72) 清・吳邦慶輯『畿輔河道水利叢書』十卷，道光四年益津吳氏刊本。
- 73) 張伯行 (1652-1725) 字は孝先。恕齋，敬庵と号す。河南省儀封の人。

- 1685年の進士。内閣中書，江蘇按察使，福建巡撫，戸部侍郎，礼部尚書。蔡冠洛編纂『清代七百名人伝』（清代伝記叢刊 194-196），台北：明文書局，1985年，第1編 94-98頁。
- 74) 朱日宣（1863-1928）江蘇省川沙の人。原名は福田。東溝小学，問道小学，培明初級小学，甲子小学や，外灘の渡船，上川県道の整備など，地方公共事業に携わる。宝山塘工局委員，上海県浦東塘善後局董事など。『中国近現代人物名号大辞典』（全編増訂本），209頁。
- 75) 葉薰（1879-?）江蘇省呉県の人。大陸銀行上海分行經理，上海総商会執行委員，上海華商証券取引所董事などを歴任。1940年に汪兆銘政権に参加，交通銀行董事，国民政府金融顧問会委員，中国国貨銀行董事長，中央儲備銀行参事会参事・主席，上海市政諮詢委員会委員。戦後，香港に渡る。『民国人物大辞典』（増訂版），1935頁。
- 76) 趙正平（1877-1945）字は厚生。江蘇省宝山の人。早稲田大学に留学。北平市政府社会局長，青島市政府教育局長。1940年後に汪兆銘政権の教育部部長，中央図書館館長，中央政治委員会委員，上海大学校長などを歴任。戦後，自殺。『民国人物大辞典』（増訂版），2268頁。
- 77) 呉濟時。字は谷宜。宜興宣城の人。日本留学の後ドイツに渡り，ベルリン大学で医学博士号を取得。帰国後，南京省立医院院長，蘇州省立医科大学校長などを務める。中国人民政治協商会會議江蘇省宜興県委員会文史資料研究委員会編『宜興文史資料』第3輯，北京：方志出版社，1982年，124頁。
- 78) 彭錫範（1875-?）字は丙一。湖南省長沙の人。江蘇武備学堂，北洋法政専門学校法科卒業。江蘇第四十五標教練官，江蘇都督府軍法科長，江蘇陸軍第二師参謀長。外務省情報部編『現代支那人名鑑』（改訂版），東亜同文会調査部，1928年，55頁。
- 79) 周麟書（1888-?）字は嘉林，迦陵，迦陵生。笏園と号す。江蘇省呉江の人。南社社友。呉江中小学校校長。周家珍編著『20世紀中華人物名字号辞典』，北京：法律出版社，2000年，1198頁。
- 80) 王祖畚（1842-1918）江蘇省鎮洋の人。字は歳三，紫翔。漱山と号す。1883年の進士。『中国近現代人物名号大辞典』（全編増訂本），68頁。
- 81) 『漢書』溝洫志。
- 82) 鄭娘『崔府君祠録』，南陵：徐乃昌，1909年。
- 83) 「答客問太湖流域水利計画」王清穆・崔龍編『農隱廬文鈔』（近代中国史料叢刊続編第40輯 395・396），台北：文海出版社，1977年（初版1939年），卷三。
- 84) 『論語』子路。
- 85) 清・鄭瑤田『禹貢三江考』三卷。

- 86) 南宋・蔡沈『書經集伝』六卷。
- 87) 褚玉璞（1887-1929）字は蘊山。山東省汶上の人。軍人。張宗昌，馮国璋，張作霖に従う。1926年4月，直隸保安司令となり省長の職務を代行。後，元部下により殺害される。『民国人物大辞典』（増訂版），2211頁。
- 88) 『欽定授時通考』七十八卷，乾隆二年。